

30

T 3223/3630.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 26 1958

福州府志卷之六十九

列女五

福清縣

宋以下

趙氏安僖王郡王嫁進士方汝于以寧本器趙遇與奉楷

不合假歸終養早卒郡王撫嗣二孤舉克有成迄今子

姓繩繩不絕

不素娥翁仲潛表仲潛初為與李秋中引刀斷指以誓死

固以指夜宿中遺夢生男撫教成以嗣姓之

福州府志卷之六十九

列女五

福清縣

宋以下貞節

趙氏安僖王郡主嫁進士方渙子以寧才器超邁與秦檜不合假歸終養早卒郡主撫訓三孤舉克有成迄今子姓繩繩不絕

李素娥翁仲潛妻仲潛病篤與李訣李引刀斷指以誓既而以指投棺中遺腹生男撫教成立詔旌之



趙氏名秀宋宗室女適王宗武二十一而寡子士達甫二
歲趙撫教之長娶潘氏年二十六亦寡子良甫五歲姑
媳共撫一孤知州吳濤表其門曰雙節

王懋宋守愚女適連江進士陳燭燭授縣尹丁內外艱哀
毀卒懋宋年二十五子遇甫生十月氏從父遷于福清
及元初疾革謂遇曰汝父爲宋代臣吾爲宋代嫠婦吾
死當勒墓石曰宋孺人王氏遇依其遺命

元以下
貞節

林氏名佛奴郭德明妻年二十七而寡撫二子一女姑老
且貧時寇入境姑適臥病或勸之避林曰姑在誰與守
及賊潰幸無恙至正丙午亂兵執其孫惠氏冒白刃持
孫不舍兵欲斷其手氏曰手可斷孫不可奪兵怒斫之
執愈固兵乃舍去孀居四十六年

明以下
貞節

林氏宋林希逸女孫年十九適莆田陳安生安生死子迪
甫二歲氏年二十有二撫育成立見四孫冠婚洪武初

旌

張氏名金張希善女少讀書通大義長適鄭山長孫夫早

喪歸父家孀居其弟世英病篤以子囑氏撫之世英歿氏撫其孤成立以存宗祀歷三十年如一日孤宏遠成立張後克昌氏之力也張之子孫爲立義姑祠以祀

陳敦宋張環中妻環中少習文藝早喪氏矢志孀居天順閒勅選天下節婦知書史者入禁掖教授內官氏與其選分守經史局加四品秩歷二十九年至宏治改元憫其老優禮賜歸

王氏陳和妻和早卒氏奉舅姑以孝聞舅姑卒家貧不能葬日夜號慟鄉人憐之助舉三喪

廉氏林榔妻榔卒於金壇氏撫二子涇渭矢節五十七年謂妻莫氏亦早寡孤銓四歲事氏極孝撫孤成立孫域天順己卯領鄉薦任邑尹莫氏守節四十五年壽七十

周氏翁盈妻盈早卒生二子家貧不能自給氏攜二子至欲投水死以苦節終其身至五代孫世經登嘉靖乙未進士官方伯葉向高旌其坊曰完節格天祀節孝祠

劉端宋陳文昊妻年二十四夫卒孀守姑病割肝和藥以進年九十三終曾孫一貫登嘉靖乙丑進士

王氏諸生林岫妻岫卒遺一孤公恩公惠氏方妙年誓矢

福州府志 卷之十九
志守節三十七年詔旌其閭

何氏諸生郭世治妻世治早卒家貧甚或難其守氏矢志不二後孤萬程成進士嘉靖十九年旌

方惠女年十八適林愈甫一載而愈卒葬愈日營兩窀爲同穴計翁姑早亡無期功之親惠女依父母以居未幾

父母卒翁鎡甫四歲惠女撫之成立年六十三卒鎡後奉其柩與愈合葬焉

鄭六娘適楊體著年二十五夫卒遺腹一子匝月而夭父欲奪其志鄭以死拒之屏跡不之母家嘉靖辛卯火焚

其廬鄭氏抱夫柩號哭俄及風轉燄得無恙年八十終

李氏何音妻音死氏年二十三或勸改適氏斷一指自誓守節育孤有司旌其門曰孝節

劉氏陳敏妻年二十四敏卒子緒猶未生及緒長娶婦生孫選三歲緒夫婦又夭劉撫選成人

林氏邵舜民妻年二十五而寡子德洪甫一歲撫養成立德洪又卒婦陳氏年二十七亦寡遺一孫陳亦守志撫

嗣事姑歷三十年

謝氏林晚翠妻晚翠早卒遺孤廷植氏忍死撫養家故貧

紡績佐讀廷植登隆慶辛未進士奉詔旌表

衛氏吏科給事中薛廷寵繼室年十八廷寵卒京師氏扶

喪歸葬杜門紡績五十年子婦何舜英亦二十餘而寡

廷寵前室有女名端適鎮東指揮吳世章生子繼祖四

十日世章卒端年二十二挈子歸薛婦姑母子俱以節

終大司徒馬森稱之曰天下失道道在婦人觀于薛給

諫一門尤信

盧氏郭萬程妻事姑至孝姑病肺家貧無被夫婦共抱温

以背後萬程成進士為刑部主事卒于官盧慟絕扶柩

歸孀居六十載子遇卿造卿俱知名萬曆六年奏旌

歐氏適陳彩彩卒男時八歲氏勗時力學娶婦黃氏時年

三十六又卒遺孤二歐與婦黃食貧相守垂五十年

薛氏年十三許字林以聰以聰染惡疾當婚期中外勸母

行氏不可歸林十年舉一子奉夫惟謹夫卒氏年二十

八撫孤成立以壽終仍得詔旌

林珠小年二十適李彥祚三載彥祚卒子該甫二歲珠小

事太姑林及姑陳無違禮教訓該不墜其家世彥祚兄

亦早卒珠小視其子猶已子焉

林懋娘鄭鉉妻也二十而嫁逾年夫死力貧養舅姑以壽終

陳氏翁務妻年二十九而寡撫幼子坦坦妻林氏二十七亦寡林事姑極孝撫三子銳銑鑑俱成立

何定卿甘心懷妻年二十四寡孝事翁姑撫孤謹成立力女紅以自給凡四十九年

夏氏贈御史林尙坦妻年二十五而坦卒氏哀毀欲殉夫弟尙量泣勸以次子汝蕪爲繼後汝蕪官御史立朝忠梗卒年六十五

王氏歸翁其良踰一年夫死氏苦志孀守督嗣孤成立姑病割肝和藥以進姑立愈後十餘年姑始卒氏壽八十二而終

石玉英林雍妻年二十一雍卒以死自誓姑力諭之乃止遺腹生子尙琛氏事姑撫子備歷艱辛及尙琛旣婚復夭無嗣氏大慟幾絕親從子姓請爲尙琛立後以奉卒年五十有八

王氏贈光祿大夫張墳妻夫卒舅姑在堂孤甫穉齡翁卒柩燬于火氏殮遺骸偕弟其蘊至山將葬風雨大作倉

卒傷足不能步厝骸山邱越七日足瘳往視之骸失所
在忽見新土隆然亟掘之則入土三尺矣其蘊曰此天
意也不可動從之後氏以曾孫可立貴贈一品夫人

王節妹林公道妻公道幼失怙母陳氏矢志撫孤爲娶氏
無出側室生子德宏六歲而公道亡氏撫宏如已出事
姑至孝姑病割股以進迨宏長娶婦毛氏二年宏復夭
毛氏方二十誕遺腹女陳氏時年八十九王氏與婦毛
氏相守同以壽終邑令許某扁其門曰三代節孝

孝婦陳朝瓊妻黃細金

林純妹劉以能妻夫早卒矢節三十年撫孤成立復爲夫
營葬乃卒

鄭氏名英林秩玉妻夫卒氏事翁姑以禮翁病篤籲天請
代後翁以上壽終邑令獎曰賢孝

林應光邑諸生陳全妻年二十六寡撫孤軾成進士年七
十卒

翁基使林霄妻夫沒守節四十年終

施貴英適鄭宏毅生子爾聰三歲宏毅卒氏撫孤年七十
三卒後孫女錦宋適陳志濂年十九而寡遺腹甫彌月

亦苦節以終

林氏適諸生蔡肇利年二十八夫亡氏孝養舅姑舅疾革
以鰾天割左臂雜藥以進姑病氏復割右臂方二寸許
遂愈後氏先姑卒年四十四子其聰登進士

詹氏卓朝雄妻年二十朝雄官都督駐水軍移鎮桐山難
死氏聞變卽投繯繯絕不死赴井者四皆遇救而止七
日不食時孤甫三歲茹荼養育之曾孫道異登

國朝乾隆壬戌進士

鄭尾玉適鄭道祿三年道祿卒遺孤未晬辛勤撫育翁姑
歿喪葬盡禮年六十七卒

翁氏莆田人林尙瑩副室年二十五瑩卒孤炳奎生甫六
月氏矢志孀守課孤誦讀後炳奎弱冠補諸生食餼於
庠以孝行聞

已經旌表貞節

王氏龔孟暘妻守節四十九年 王氏縣學生林日休
妻守節三十年子偕春隆慶庚午舉人 林氏郭應璧

妻 莫氏林渭妻守節四十五年 鄭蘭宋鄭棻妻

林氏楊世英妻守節四十餘年 翁氏何朝元妻 王

楊叔英妻守節六十六年 吳恭采何儀鳳妻 嚴

張景遐妻 林細靜葉益宸妻 林氏何尙友妻

未經旌表貞節

氏舉人許紳妻 莊翠娘張孟堅妻 鄭氏林厚妻

郭采藻林泮妻 陳氏蕭天裡妻守節五十餘年孫

婦陳氏亦守節 何氏舉人薛一和妻守節二十餘年

鄭氏何天福妻 蔡氏陳昌齡妻 張玉宋翁岳妻

薛氏舉人林宜祥妻 陳聰宋林一煥妻守節五十

餘年 郭秋姐薛啓張妻 王氏諸生張涓妻守節四

十三年婦黃氏亦守節 翁冠玉林天復妻 李氏何

玉輔妻 郭氏林文金妻 薛氏庠生林山妻 薛氏

庠生林峒妻 薛氏何履垓妻 林氏鄭世揚妻 翁

氏郭宗明妻 陳氏諸生吳可程妻守節四十二年

林氏庠生毛有鶴側室守節五十餘年 王氏翁其祥

妻 陳氏名細王學樂妻守節四十餘年 李氏邑諸

生林鳴岱妻 王氏林正亮妻守節三十年 林考宋

鄭世覺妻守節五十餘年 潘氏謝仲鳳妻 林氏諸

生陳世謀妻 鄭氏諸生翁文銓妻 林氏施堯叟妻

福川子志 卷六十九 列女五

劉氏謝夢鯉妻

鄭氏名壽林灘妻

常氏北直人

御史謝天錫妻

林氏何仲亨妻

莊氏嚴有章妻

陳氏柯世福妻

王氏林寶妻

翁氏何公朝妻

何

氏周大球妻

林氏陳瑤玖妻

葉氏陳敬保妻

嚴

氏張宗泉妻

黃氏俞一誠妻

高氏卓一新妻

林

銀妹王債妻

林氏夏希侃妻

葉氏林尚莘妻

郭

氏林可龍妻

陳氏敖如定妻

周氏林尚會妻

鄭

氏林尙城妻

陳氏林守為妻

楊氏嚴君郎妻

嚴

氏陳世琪妻

黃氏嚴以秘妻

俞氏吳朝侃妻

劉

氏陳祿妻

鄭氏鄧祿妻

陳氏林天叙妻

劉氏郭

暄妻

薛氏林正善妻

何氏郭元杞妻

鄭氏許得

仁妻

林氏陳叙遠妻

何氏毛子越妻

嚴氏莊曜

妻

游氏馮綱妻

朱氏陳崇妻

林氏諸生翁時際

妻

薛氏諸生謝國泰妻

鍾氏諸生謝嚴妻

薛瓊

女周乾佑妻

李氏陳思美妻

鄭氏許德仁妻

林

氏張志德妻

陳氏謝俊妻

鄭氏王時嘉妻

陳氏

林磧妻

王氏戴珏妻

鄭氏林璿妻

林氏謝瀛妻

林氏馬文鈞妻

連氏林元熙妻

蔡氏游元欽繼

室 魏氏謝嘉箴妻 陳氏林良瑞妻 徐氏王輝妻

林氏陳杞妻 鄭氏王時貢妻 沈氏夏舒卿妻

徐氏嚴公稷妻 郭氏嚴有鐸妻 趙氏諸生泰與晉

妻 林氏夏泗傳妻 黃氏林守謹妻 翁氏林宗名

妻 莊氏嚴鉦妻 陳氏林守審妻 陳氏嚴以璿妻

高氏夏陽熙妻 王氏劉良賈妻 薛氏翁行可妻

郭氏林尚昂妻 何氏林宗榮妻 張氏林子春妻

王氏林守灼妻 閻二姐太史施兆昂側室媳江慧

使亦守節 暢氏林巖側室 莊氏林侗側室 陳氏

毛肇芳妻 郭氏林守項妻 陳三娘劉承聽妻 周

氏夏應遇妻 潘氏夏渠妻 王氏陳時妻 林氏薛

詩妻 黃氏諸生林夢蝶妻 俞氏夏邦謨妻 馬氏

郭宏鉞妻 莊英娘翁宏錄妻 王氏夏淳甫妻 王

氏夏霖繼妻 馬氏王世佳妻 夏氏薛世堅妻 林

栢女余文宦妻 朱氏陳崇華妻 閻氏胡文靜妻

蔡氏舉人鄭時化側室 毛氏林文鵬妻 何氏施茂

英妻 林氏何邦瞻妻 鄭蘭宋夏棧夫妻 林氏何

其蘊妻守節三十年 何氏薛雲龍妻守節六十年

余氏盧文旦妻 陳氏何邦特妻 方氏何文珙妻

何氏毛時選妻 魯氏毛仕伴妻 林氏何世祚妻

郭氏林萼妻 林氏郭思昭妻 林氏施爾泰妻 林

氏鄭廉妻 郭氏魏則光妻 莊氏嚴朝鏘妻 林氏

施作賓妻 嚴辰娘陳琪妻 龔氏楊有宋妻 翁氏

楊有容妻 李氏陳孔詩妻 何氏葉仕傑妻 林氏

葉廣衍妻 陳氏倪一櫻妻 劉氏敖如會妻 何氏

林廷弼妻 施氏林廷維妻 鄭氏林時機妻 崔氏

林可試妻 陳氏林棟妻 蔡氏林戕妻 郭氏薛元

禮妻 夏氏劉松妻 嚴潔娘卓崖妻 馬細金陳嘉

妻 張秉靜翁紹仁妻 鄭氏陳伯遂妻 陳氏嚴應

會妻 石玉英林雍妻

國朝以下
貞節

○翁氏薛雲定妻二十二歲而寡家故貧撫教子女婚嫁

底于成立茹荼五十年年七十一卒其妯娌魏氏游氏

葉氏皆早寡相繼沒給諫嚴通為立傳稱一堂四節

○吳氏林守鄭繼室年二十夫卒矢志孀守躬織紉以事

舅姑撫前室子若已出秉性嚴毅厲節四十餘年邑令

以節孝旌其閭

○葉氏諸生何其達妻其達卒於會城氏聞訃慟絕復甦矢志孀守養翁姑授書課子年四十八歿子龍光貢成均龍見食餼于庠

○鄭氏何貢妻貢赴試歿家貧鄭事姑撫子孀居五十載年七十五卒

○林氏葉益蒙妻夫歿年二十三撫子事姑以壽終

○薛氏閩縣諸生高登錦妻年二十七而寡終身茹素事舅姑教二子有成壽至七十八歿

○林如玉葉益褒妻年二十六褒卒遺孤二稍長婚娶相繼天亡時仲婦方氏生子甫四月林與婦矢志撫孫茹苦三十八年其妯娌林靜細亦早寡撫孤子進揚同以節終

○宋氏諸生林文儀繼室文儀卒氏年三十食貧撫孤苦節三十五年子達雍正乙卯舉人授教諭

○薛敬使年十八歸翁應瑞應瑞卒于粵氏矢志孀守及遷海徙居洪江母子相依貧甚而卒年五十有九

○林卿使翁應環妻應環授鬱林叅軍卒于粵無子氏撫

一養女衣食不給時授隣女書以資養殮人皆多其清節

○林氏明御史林標孫女國子監生吳紹輝妻年二十八夫卒孤孀甫六歲撫之成立苦節六十一年

○魏冬官庠生劉雲登妻年二十二而雲登歿其姒鄭藻宋年十九夫昌寅亦卒俱未有子共艱苦撫嗣孤錦成立補博士弟子員魏年八十有五卒鄭歿年八十有二俱祀節孝祠

○莫氏陳可依妻可依力學早世氏年三十而寡撫二子榕椿依外氏居邑之南門外康熙甲寅乙卯間海氛未靖賊四出縱掠一夕奄薄吳舍擄吳兒并擄氏二兒氏大呼罵曰我陳氏婦也夫不幸早世所以不死者爲二兒也若羣獨非人柰何擄寡婦兒卒掠去二兒抵廈門

賊首有母諸所擄掠必令拜其母椿長揖不爲跪賊母嗔曰是我家兒乎其一賊具述氏呼詬語母爲感動數月二兒得贖回榕尋天乃督椿績學植行爲巡撫張伯行所禮重事詳椿傳氏年八十有六卒

○鄭氏王廷順妻年二十五而寡氏仰事俯育備歷荼苦

三十年如一日也

○陳氏舉人陳立敏女適諸生林秀起年二十一寡遺腹生男人隆稍長課之學康熙戊子人隆以恩貢任尤溪學博氏年六十卒雍正五年追贈孺人祀節孝祠

○甄氏薛逸野妻逸野客亳娶歸二年夫卒踰月生男仲履時氏年十七扶櫬歸里事翁姑育孤子卒年五十四祀節孝祠

○黃氏張明友妻明友客死山東氏年二十三事姑撫子積資運櫬歸里歷節四十餘年

○鄭邀宋李志恊妻夫卒氏年二十六矢志事舅姑子二長正錦既娶而夭婦陳氏有遺腹孤共撫之髫齡補博士弟子員鄭卒年六十有三陳年五十有九

○吳氏王起發妻夫歿氏年二十六事舅姑篤孝撫三子成立苦節四十年

○鄭氏適李廷篆一載而廷篆沒氏投繯者再俱以救免遂紡績佐舅姑甘旨歷節二十載卒子建勳官刑部郎中贈宜人

○甘氏何長漑妻年二十九夫沒撫遺孤事姑嫜尤孝六

十七歲卒

○程氏諸生李天授妻二十九而寡課子奎光列郡庠年五十七終

○黃氏工士捷妻夫沒氏年十九撫孤矢節值海氛不靖嘗挺身衛姑割面自全邑令王某旌以節孝年八十無疾端坐而逝

○黃氏孝廉黃鼎女大叅薛澧母也夫卒撫二孤備極荼苦及澧歸籍歸卒母年八十餘貧不自給人咸哀焉

○林閻家貧其母年十九夫卒家貧苦節四十餘年年七十有二而終

○薛瑜宋毛以獻妻夫沒子甫四歲撫之成立夫姪久癩妻郭氏亦早寡薛哀其貧曲盡解推以成其節卒年七十有五

○王福宋林以惠妻生兩男夫歿孝養舅姑姑病顛天割右股和藥以進歷節四十五年壽七十有三

○盧細金適林宗亭年二十七而寡孝養舅姑課二孤以義方年六十六卒同時有林玉瓊適楊汝融生子宜傳彌月汝融客死氏年二十二歷節四十餘載人謂細金

金堅玉瓊玉潔

○汪氏王日由妻日由以觀競渡溺死昇歸氏欲就縊姑泣諭之曰婦娠五月矣幸得男可延夫祀也既而果生男氏辛苦鞠育歷節四十五年

○鄭氏年十八爲諸生魏伯萼繼室方數月萼隨父之荔浦任卒於署氏奉姑訓撫嗣男成立終身茹素卒年七十有五安溪李光地爲之傳嗣子綱康熙癸酉舉人

○鄭氏名啓閩縣人年十九適邑人郭伯貺六年而寡子進甫週歲舅姑既耄力女紉以供甘旨康熙癸巳恩科雍舉于鄉氏年六十餘是歲七月七日見小青衣持旌幢入室遂呼浴浴畢而逝

○謝德貞林元雯妻年二十六而夫歿氏爲人縫紉以奉姑苦節三十餘年子飄然福清學生

○潘清宋適林道燠夫卒氏苦節傭紉撫孤伯瑾爲娶婦陳氏未幾瑾夭姑婦相依共撫二孫邑令某扁其門曰矢節完貞卒年八十有四

○徐平宋盧秉文妻年十九夫卒子正忠方週歲氏撫之長娶婦陳信宋生子七歲正忠復沒陳年二十有七姑

婦矢節撫孤成立徐卒年八十有五陳卒年五十有五
○黃定宋林世達妻夫卒無子矢志孀守勤紡績營葬翁
姑及夫極其夫弟世禧亦早世弟婦周氏撫二孤以長
子承其嗣人稱雙節

○莊氏正密何兆啓妻兆啓病歿氏年二十二奉姑鞠子
歷節三十年

○莊氏賽璋孝子陳可徵妻可徵父爲山賊所執可徵詣
賊營代父宛氏年二十二遺孤纔生九月顛沛之際家
業蕩毀卒撫子光斌成立事舅姑盡禮孫曾繞膝壽六
十一卒祀節孝祠

○許氏陳鼎祚妻年二十二而寡奉姑鞠子以節終

○蔣氏農莊振猷妻年十八歸莊僅三月振猷適兄粵西
任五年聞父疾奔歸父歿哀毀匝月卒氏課孤定力學
定後任莆田學訓導氏壽七十五卒康熙五十八年
旌孫上志萬州知州上昌舉人

○謝長宋林子發妻夫卒氏以節終

○吳換宋李昌發妻夫卒氏年二十撫二子成立卒年七
十有五

○林氏年十九適國子監生吳世錦未逾年夫卒撫遺腹
孤聿渭成立娶婦蔡氏年十八聿渭又夭蔡亦守志與
姑相依歷四十載女名淑女適李文烜甫逾月夫卒亦
孀守三十年俱得旌

○林氏諸生李蕢妻蕢以哭母毀卒氏撫妾莊氏子振聲
歷節四十載振聲癸卯領鄉薦官沁源知縣

○楊梨姐何均妻夫卒撫二孤成立其次子又夭媳江氏
生孤甫週歲亦守志以雙節稱

○陳亦官國子監生薛鼎祖妻夫卒年二十二撫兩孤事
祖姑及姑以孝稱卒年五十

○何宥宋翁兆瑞妻早寡矢志撫孤夫弟振理妻陳氏年
二十七而寡兆玟妻林氏年二十三而寡兆琛妻王氏
年二十一而寡兆璧妻吳氏年二十八而寡一門苦節
爲時所稱

○何明官魏士儀妻夫卒氏年二十有四撫孤矢志以老
壽終

○魏永宋劉邦潢妻邦潢客死氏撫三孤各爲婚娶兩男
繼天與二子婦同以節終

○林氏莊世亮妻年二十夫歿家貧姑老氏晝夜紡績奉姑擇嗣歷節三十年鄉人稱之

○林榮宋魏士魯妻夫卒氏年二十五長子六歲次子遺腹生長公毅娶陳氏生子週歲而公毅亡陳氏方二十四歲子又殤婦姑矢志一門雙節

○鄭瓊宋何正景妻年二十四夫卒家貧事繼姑維謹夫有弟三人俱幼氏一男一女日夜紡績爲夫弟婚娶課子奕涓有聲于庠卒年五十有八雍正三年旌祀節

○王氏名淑賢諸生陳利仁妻年十九夫卒遺孤復殤氏矢志奉夫生母撫夫異母幼弟五人夫次弟生男立爲後壽至八十餘雍正三年祀節孝祠

○陳氏諸生吳山妻夫沒氏年二十八遺二孤幼撫教成立營葬先世四棺及夫柩歷節至八十六歲卒雍正三年祀節孝祠

○陳氏化州學正陳實女適林廷光年二十一夫亡孤甫三月矢志撫育值海寇有警負姑奔走及葬先世五柩年八十四卒雍正四年祀節孝祠

○林氏從宋俞元惠妻將婚夫病篤合卺三日夫亡氏年十八事姑撫嗣子卒年八十五雍正六年旌祀節孝

祠

○魏氏諸生余瑞儀妻年二十九而寡時值海寇告警又

苦饑饉氏矢節撫子成立年七十五雍正六年旌祀

節孝祠

○薛氏莊端張登渭妻年二十一而寡家貧孝養耄姑壽

五十八歲雍正六年旌入節孝祠

○張氏元官陳實綦妻年二十二夫歿矢志撫孤歷節五

十餘載雍正六年旌祀節孝祠

○李氏冬宋適施正良夫卒遺孤三茹荼育之卒年七十

有八子萬春乾隆壬戌進士

○何爵使諸生吳融朗妻年二十四夫沒誨嗣男濂成進

士任山西偏關令乾隆四年旌

○李新宋林百范妻年二十六夫沒課孤成立孫必映舉

武科福振福挺及曾孫肇燮同舉武進士乾隆年旌

祀節孝祠

○游進使翁士瑄妻年十九而寡遺孤一齡姑六旬老病

○饋粥不能進氏却子乳哺之歷節四十餘年

○魏協官明經魏經國女適郡諸生葉廷和夫卒氏年二十六撫遺孤成立娶婦生孫四歲孤夭孫亦殤氏與寡媳陳氏同孀守

○翁梅官王克安妻夫卒遺孤又殤氏年二十四繼姑欲奪其志氏割耳自誓撫嗣子歷節五十有六年

○吳秀宋方維亮妻夫死撫孤矢志

○張氏陳昌異妻年二十四夫卒遺孤二俱殤翁姑及夫兄弟後先同喪僅存夫兄二子氏擇其少者爲嗣女紅

資生爲嗣男婚娶以節

○王碧官郡諸生王曉女許字陳啓萬啓萬病篤請婚女入門而危甚奉侍五晝夜竟死孀居三十五載

○林兆官方宏妻夫卒氏年二十九撫男樹模成立寡居三十年樹模辛酉拔貢學使于某旌以孝節慈壽

○林氏名建哥學生魏伯荃妻荃卒氏年二十六矢志事姑撫孤歷節四十三載

○嘉氏淑貞張士浩妻年二十七而寡撫孤營葬翁姑及夫柩年五十四卒

○郭氏寶宋諸生翁士蔚妻夫卒長孤五齡次甫週歲氏事姑撫二孤歷節三十餘載

○蔡氏廩生王鴻烈妻年二十四而嫁嫁四十日而夫卒奉翁姑撫遺腹孤成立歷節三十四年

○翁氏柔宋張士亨妻年二十三寡撫孤成立年七十有八卒雍正三年旌祀節孝祠

○李懿宋國子監生林邦彥妻既寡撫孤成立後孤娶婦復天氏與婦葉氏同守節被旌建坊入節孝祠

○何氏鄒汝招妻偕男與芝妻詹氏俱以節著人稱雙節

○林氏德玠長樂人適邑人鄉貢教諭張可儒事姑以孝聞夫卒氏年二十三訓子成立守節三十一載

○鄭氏寧宋靖州知州鄭占春女適國子監生魏可仲可仲卒氏矢志撫孤歷三十餘年

○趙氏國子監生張登政妻夫卒矢志撫孤二十年卒

○何氏鄭永泰繼室二十四歲夫卒苦節三十年

已經旌表貞節
葉嘉宜林爲裘妻守節五十四年 陳穎官張時叶妻
守節五十五年 陳靜朱李志行妻守節五十五年

林端雅舉人王譚妻守節三十六年 劉金宋董鳳苞

妻 何文使李瑜妻守節四十二年 王興宋周公明

妻 林安宋郭伯海妻守節六十四年 林莊宋嚴宗

汝妻守節四十年 林秀宋吳承軾妻 倪福官劉德

祐妻 薛氏舉人陳邁真繼室 夏玉宋陳潮妻守節

二十九年 林從宋郭伯學妻守節六十七年 王璵

宋張士奇妻守節二十四年 敖靜官林君亮妻 劉

珍使念兆申妻 莊正官黃世鍵妻守節四十一年

王彩玉翁煥妻守節三十年 李玉使鄭元香妻守節

四十年 陳蕙宋周肇貴妻 余金宋陳允位妻 余

舉宋陳朝忠妻守節三十五年 魏氏鄭青蓮妻

未經旌表貞節

何恭宋方奇妻守節六十年 施潤宋劉文培妻 何

整使吳載炳妻守節四十五年 林翼官諸生夏起光

妻 倪采蘋方豸妻守節二十六年 俞瑞哥黃士琪

妻 周仲宋劉崇益妻 余莊使薛亨廷妻守節五十

五年 周金環余廷茂妻守節八十年 鄭外宋陳朝

魁妻守節六十三年 陳璧宋余士璠妻 吳氏王世

珍妻守節七十一年 連省宋林欲立妻守節六十四年 薛重官張大裕妻守節四十八年 陳靖宋施尙

謀妻守節五十六年 揚瓊官吳可淳妻守節五十三

年 何氏方瓊妻守節五十六年 葉芝官諸生鄭一

杞妻 陳懿宋林欲宋妻守節五十二年 王端宋陳

嘉裕妻守節四十四年 俞寶宋林樞侯妻守節五十

六年 陳氏學生薛偁妻 張季宋李景上妻 朱藩

宋鄭君美妻守節六十六年 吳淑禎陳安仁妻 何

莊宋郭君舜妻 嚴靜宋翁卿佩妻 張氏薛仲謀妻

守節四十年 許閏宋薛朝美妻 薛聯宋郭家錦妻

守節三十二年 陳馨宋國子監生林駿學妻守節五

十一年 黃麟宋陳彬廷妻守節三十九年 林貴宋

郭家韶妻守節三十八年 鄭寧宋郭忠正妻守節五

十五年 翁靜宋黃廷亨妻守節四十六年 方庚宋

何魁芳妻守節四十一年 范永弟何某妻守節四十

二年 甘姿官何得愷妻 林護宋陳兆熊妻守節五

十五年 何慈官劉士起妻 俞奇宋張守叢妻守節

五十九年 林冕使薛憲奇妻 陳嘉使林日壻妻守

節六十三年 李安宋翁肇恭妻守節三十六年 施

科宋何義昆妻 吳金宋林殿如妻 吳靜宋何望聖

妻守節五十八年 江玉官施觀千妻守節六十四年

王靜宋諸生倪廷棟妻守節五十餘年 林貴宋國

子生吳名繡妻守節二十九年 黃官妹林某妻媳莊

大妹亦守節 陳景宋林開鐘妻 余龍宋陳汝擊妻

蔡寧宋陳恭霖妻守節五十一年 吳祉宋林士信

妻守節二十餘年 王兆宋林日桐妻 郭春宋林世

妻守節四十餘年 陳氏鄭禹亭妻 吳瓊宋魏潛

卿妻 吳駮官國子監生陳祚達妻守節四十年 夏

葵官陳鼎燧妻守節三十二年 薛徽宋劉爾清妻守

節三十三年 林靜宋陳從禮妻守節三十二年 林

建宋陳鼎焜妻 趙高官吳達侯妻守節五十七年

林氏余正侯妻守節四十八年 張懿宋諸生韓振宗

妻守節三十八年 林舉宋余彬卿妻守節四十五年

王愛蓮余廷秀妻守節六十年 李在宋余元燮妻

守節三十三年 施芝宋林為哲妻守節三十二年

施貴宋余溥友妻 張氏何裁承妻守節二十六年

郭回宋何允富妻守節三十六年 何金宋陳廷山妻

薛春官方昌遠妻守節三十八年 陳聯宋何崇懿

妻 潘庚宋葉積濬妻守節三十年 張品宋林其誠

妻守節四十年 何嗣音張登禧妻 林戍官陳明奇

妻守節三十二年 陳貴宋王子槩妻守節三十六年

倪細宋余滔侯妻守節六十餘年 林端宋林大珩

妻守節六十餘年 翁巧官余文順妻守節五十五年

黃夏宋林國需妻守節六十年媳楊四宋亦守節

余球官諸生羅正麟妻守節六十餘年 石努宋郭伯

御妻守節五十餘年 林葢官陳恭陶妻守節五十餘

年 余清宋陳子山妻守節四十餘年 歐重宋陳善

英妻守節四十餘年 歐順宋余暢侯妻守節五十餘

年 翁靖宋江伯芳妻守節四十七年 林安官國子

監生陳良葵妻守節四十餘年 鄭瑞官郭伯居妻守

節五十餘年 鄭邀翁陳仲恒妻守節四十餘年 薛

龍宋方元侯妻守節四十餘年 林朝宋翁肇階妻守

節四十餘年其庶姑何氏亦守節 李文宋卓士岳妻

守節四十餘年 陳省官林有潢妻守節四十餘年

夏英宋鄭士爵妻守節四十餘年 翁靜宋薛允祥妻

守節四十餘年 蔡雅宋施長祚妻守節四十餘年

王端宋諸生何煨之妻守節四十餘年 李節宋陳劍

欽妻守節四十餘年 陳科官武舉人俞經國妻守節

三十餘年 薛蓮宋國子監生江大行妻守節三十餘

年 陳瓊宋國子監生俞懋績妻守節三十餘年 施

回宋陳明雲妻 張才宋劉子通妻守節四十餘年

陳函宋鄭雲卿妻守節三十餘年 方書宋蔡賢妻守

節三十餘年 葛燦官貢生陳大受妻 王秋宋陳允

栢妻守節三十餘年 何淑端楊葉春妻守節二十七

年 葉福官劉孫永妻守節三十餘年 陳敬宋余珽

侯妻守節四十餘年 林成宋陳長絳妻守節三十餘

年 鄭寧宋國子生魏可仲妻守節三十餘年 俞舉

宋陳朝忠妻守節三十二年 吳殿官方竣武妻守節

三十年 陳升宋王三德妻守節三十七年 王玉宋

張大隆妻守節四十餘年 施細宋陳善賢妻守節三

十四年 陳雪官魏嚴卿妻守節三十五年 翁定宋

何龍承妻守節三十餘年 李安宋翁某妻 翁淑榕

王聖适妻守節三十三年 謝壁宋諸生林良妻守節

三十七年 江蓮宋翁肇淮妻守節三十一年 林鳳

官何述四妻守節三十二年 江寶宋陳仲時妻守節

三十一年 夏桂宋薛廸明妻 陳招宋林兆則妻守

節三十二年 施細官何恒恩妻守節三十一年 黃

淑貞國子監生鄭焜夫妻守節三十餘年 張挺芳吳

天祚妻守節三十一年 何夏宋貢生陳爾銘妻守節

三十一年 何金宋國子監生余益友妻蔣媯妻守節

魏淑齊王則適妻 鄭姦宋葉春妻守節三十一年

文美妻 何長宋陳鼎隆妻 張珠宋何嘉鵬妻守節

三十餘年 張氏林英妻 林彥宋陳國熊妻 林氏

馬文鈞妻 林莊使薛于閩妻 方居宋薛卿榮妻

林細金薛自登妻 方正宋薛卿修妻 施莊官薛志

烘妻 施秀宋薛志智妻 謝華宋薛卿上妻 林武

宋薛師孔妻 周新金薛志蘭妻 林壽宋廩生薛聯

登妻 翁尾宋王席恩妻 薛氏余達友妻 郭氏王

永敬妻 高長妹鄭一楨妻 陳金宋黃得乾妻 阮

金宋方元周妻 吳秋宋陳廷恭妻 翁玉宋嚴志纘

妻 陳有宋嚴常白妻 祝氏陳玉樹妻 葉氏陳兆

衮妻 林氏陳樹鷹妻 王氏陳士謙妻 王雪宋郭

際觀妻 張整範林英妻 何恭宋吳大猷妻 魏定

宋黃尚疇妻守節三十四年 林懋敬諸生許世瑞妻

子廷訓康熙己酉舉人 王夏宋林君輝妻 阮喜宋

余正炳妻 林朱宋張公品妻 吳順宋翁肇光妻

俞寶宋林樞侯妻 劉細宋王君遠妻 施懿宋方逢

然妻 鄭美官吳賢旌妻 王治宋朱永常妻 蔣琚

官吳有俊妻 周鳳宋林元喬妻 林觀宋余大友妻

莊煥宋嚴朝忠妻 周節宋林瑞仁妻 余懿宋張

時孚妻 何雪官施嘉隆妻 黃招官施謙士妻 余

謹宋張明豐妻 何德官張大山妻 魏月宋施一貫

妻 葉申宋鄭思籌妻 陳儒宋張思遠妻 郭觀宋

鄭允鼎妻 田酉宋陳志華妻 余端宋王永範妻

何全宋陳亮發妻 陳聚宋何栢喬妻 李斗宋陳朝

祿妻 沈金宋王賢卿妻 張玉宋林瑤士妻 何成

宋薛君殿妻 王嫩宋何元品妻 石懿宋薛大亮妻

陳源使吳名驥妻 林瑛官鄭孔秋妻 林榮宋陳

允美妻 黃煥宋吳宏元妻 林紫宋林爾忠妻 張

星宋余子星妻 陳連宋嚴常輔妻 林鳳宋嚴伯朝

妻 鄭卯宋游允俊妻 林隣宋何士美妻 林敬宋

余爾敬妻 林晚宋余孝砥妻 林氏王其方妻 施

完宋陳泰初妻 陳祐官林振特妻 莊進宋嚴常謨

妻 翁珠宋黃士珪妻 林戍宋陳秉拱妻 莊雪宋

陳淑安妻 林昭弟陳秉為妻 姜敏宋陳淑容妻

李尾宋陳良進妻 李然宋翁世彤妻 王秋官鄭子

明妻 嚴賢官林則陶妻 李招宋鄭元青妻 施梅

官鄭孔介妻 倪珠宋李永椿妻 吳燦官侯崇遂妻

林細宋張汝恩妻 張庸宋林伯祥妻 薛琛宋蔡

朝德妻 薛丁宋陳維謙妻 鄭英宋杜君耀妻 林

雪宋杜子蕃妻 吳奇宋陳伯儀妻 田正宋陳森欽

妻 萬氏陳聿永繼室 林福宋翁士章妻 林開官

王觀澄妻 劉金宋倪耀甫妻 余莊宋翁士華妻

鄭徽宋嚴常寶妻 何玉宋嚴常佑妻 林氏方萼妻

林福宋嚴道奉妻 莊貞宋林文泰妻 陳端宋薛

士鼎妻 林氏王子猷妻 莊婉宋魏儀卿妻 郭氏

王宗華妻 陳宦官林于肇妻 陳玉宋薛于麒妻

余書宋陳宜綽妻 翁三宋陳彥恩妻 郭鳳宋林會

宗妻 程秋妹陳朝景妻 林團宋黃君浩妻 黃金

宋郭守勝妻 黃銀宋陳朝光妻 黃玉宋陳士逢妻

許金宋黃穎為妻 謝尾宋黃國珍妻 遵玉官林

于映妻 林明宋倪茂元妻 林招弟王士章妻 高

宜宋毛允周妻 林氏方耿妻 薛文官方宗達妻

林氏方騰妻 林秀宋吳國章妻 李翼官魏信妻

夏春宋陳尚哲妻 吳捷使陳虔伯妻 陳寶使吳紹

祖妻 林錦宋周肇仁妻 陳粹官吳元逢妻 陳士

金余彤侯妻 何淑宋方承爵妻 林宜宋何繼春妻

何蒲宋陳志成妻 林秀宋薛懋達妻 黃閩使林

伯樑妻 鄭珠官陳爾光妻 陳氏王士翰妻 陳細

金王肇炳妻 薛氏王肇仲妻 石鏃宋李永綏妻

何科官歐士長妻 張賽宋鄭左侯妻 林端金張可

潛妻 陳玉秀何朝蕃妻 鄭惠宋何大灝妻 吳恕

宋王奕超妻 何彩宋林尚智妻 周永宋王茂士妻

朱音官吳均妻 黃秀官陳朝映妻 林丙宋張世

經妻 林至宋倪正循妻 田卯宋陳崇海妻 王成

官張惟調妻 陳龍宋林聖敬妻 何石宋吳可漬妻

何雙官念允啓妻 俞舜宋陳正燭妻 鄭貴宋高

廼軒妻 余禧宋何遠昆妻 鄧榮娘鄭康賢妻 江

節宋葉廷槐妻 歐儀宋倪天麟妻 謝諸宋蔡士炤

妻 林液宋何恬妻 葉氏吳轉齊妻 魏寧宋林士

沂妻 陳莊宋林彭學妻 盧氏林道侯妻婦陳氏亦

守節 姜榮宋林開燦妻 陳姻官林撫吉妻婦翁氏

亦守節 林淑和何朝璇妻婦王氏亦守節 余愛宋

薛尹官妻 顏氏薛師峰妻 高玉宋嚴伯豪妻

福州府志卷之七十

列女六

福清縣

宋以下
貞烈

王氏名昌王守愚女適李提刑之子仲敏仲敏早卒昌年
二十三既殯屏家人自經死

林氏劉仝祖妻父公遇知名士仝子為福建招撫使起義
兵亡命自經死有司執其事具反狀林叱曰林劉二族
世為宋臣欲以忠義報國事不成天也何為反乎汝知

去歲有以血書壁而死者乎是吾兄也吾與兄忠義之心則一也死且求治汝於地下可生爲汝等凌辱耶遂

林遇害

元以下
貞烈

林氏女年十九貧不能嫁至正末盜起女避地東郭外時元帥達吉擁兵鎮福清強女父以聘女誓不從軍士叢至女據地哭曰嫁娶有禮劫以兵有死而已達吉高其節遂不敢犯女竟不偶守貞以終

明以下
貞烈

夏氏名信父歿弟觀明甫四歲氏憐弟孤幼誓志不嫁後觀明爲糧長緣鈔累民乃赴闕奏鈔不便洪武初詔逮繫獄信上封事擊登聞鼓伸冤得允所奏觀明遂釋

王氏鄔孟妻洪武時孟爲御史以誑誤當死王氏擊登聞鼓乞人官爲奴以贖夫罪詔赦之孟後竟以忤旨死其友戶部郎中張瑤殮孟遺骸將歸葬之王氏止之曰幸少留待妾遂自經永樂初詔旌其門

盧佳娘李廣妻婚甫十月廣暴卒盧慟絕復甦見廣口鼻出血悉舐食之旣殮哭輒僵仆積五六日家人防稍懈

入寢室自經死

陳鏡女許字施元衡將婚而元衡卒女聞自經不死乃歸施獨處一樓日夜紡績孝事舅姑嘉靖閒旌

陳蘭女許字林招德招德溺水死女矢志歸林奉事尊嫜日夜杼聲不絕人重其賢布成爭市之曰節女布

倪氏倪文女適游政政死哭踊頓絕方蘇至夕更衣哭於別室及明家人啓戶視之自經死矣年二十二

陳氏魏祐保妻祐保卒翼日入寢室自縊死

林氏名源德韓一敬繼室逾年夫死撫前子成立遂減食待斃與娣姒訣夜分抱鏡潛出投於龍江七日屍獲顏色如生

廉氏適林以惠未二載以惠止宿婦家暴卒氏卽奔于母家自經以殉

王瓊妹王汝安女許字莆田陳商未娶商卒女告其母奔陳持喪嘉靖閒倭寇其鄉瓊妹被執不辱拾刀自殺賊義而殮之并釋諸同虜者

鄭氏張進德妻嘉靖戊午倭寇掠其鄉氏被執罵賊求死義不受辱倭怒殺之

何玉真適林佺甫合卺倭寇卒至佺與父文鐔逃匿山中
何隨姑奔入縣邑既而文鐔被虜佺罄其資與賊父得
免賊驅佺以去至同安臨隊鄉殺之何與姑歸見翁還
而夫不在欲卽殉翁姑諭之曰倘夫生還則爲徒死矣
後鄉人有自賊還言佺死狀何卽爲夫招魂畢整衣服
從容自經

林氏諸生張季臨妻嘉靖閒與姑同被倭掠賊欲殺其姑
氏求身代姑免氏給賊曰我宅前池中大有金寶賊信
之氏導往則自投於水賊刺殺之

余氏適林應科嘉靖戊午倭變姑被執氏挺身救姑義不
受辱遂死之

廉氏適長樂林師學嘉靖中倭亂夫婦被虜廉謂夫曰君
可潛逃吾死矣不相負也遂投海死

施氏陳一德妻嘉靖閒倭變與夫妹細娘相持赴水死
廖氏適劉良弼嘉靖閒倭變弼被殺子幼爲賊俘氏痛憤
罵賊奪子回賊怒拔刃斷氏兩腕死

林玉美魏亦永妻嘉靖閒同姑遇倭倭殺其姑氏冒刃捍
之倭怒并砍氏罵不絕而死事聞詔立碑誌其冢

陳瑞蘭歸於方廷揚嘉靖末寇起廷揚被執氏脫簪珥躬
往賊營贖夫途遇廷揚而回月餘廷揚病卒氏奠畢遂
自經

吳氏林世綦妻嘉靖中倭寇里中氏被虜不屈遂遇害御
史陳子貞奏旌之

張英宋張德然女許字林氏年十八倭寇犯境被逼力拒
不屈倭腰斬之擲田中倭去鄉人歸女以手拍水呼曰
吾張某女爲告吾父速收塋我先人墓旁衆驚歎爲烈
女魂不死云

莊敬娘許字陳邦哲嘉靖中倭起被逼赴塘水死

葉從介大學士向高姑嘉靖閒倭難作氏適薛用溥爲賊
所得恐其污憤詈不已賊怒斫之焚其屍

葉默娘贈太子太保葉朝榮女適林守定逾年守定病沒
氏欲以身殉家人伺之密其舅林質卿納富人聘將迺
以行氏自刎萬歷閒詔旌之

何氏林楠妻楠死抱二孤還堂上割喉死

嚴謙娘適林日躋夫夭孀居三載服闋自經柩側邑令朱
冕旌曰節烈

何氏適林尚振尚振歿投繯以殉

林懋細教諭林資瀾女適鄭汝舟汝舟父天佐爲惠州府同知攜子與婦之任明年汝舟還應試卒林聞訃奔喪矢必死服毒吞金引刀自裁家人輒救之乘閒以指爪決藥斷喉而歿萬歷二十二年詔旌

施氏名珠翁應奎妻應奎卒氏伏屍大慟齧舌而死

周馨娘周世豐女適鄭大鸞大鸞卒絕而甦者三旣殯於寢右氏命左之詰旦雉經於柩側乃知其虛右以待也楊氏歸林秉仁秉仁死哭七日凶服禮成遂服毒以殉萬

歷閒詔旌

薛月妹適林尚堯五載夫歿自經死邑令歐陽某扁其門莊董娘適鄭存誨六載夫亡自經以殉

張蘭姐歸卓應嶽應嶽病卒至小祥修奠畢整襟自經死林金妹適郭應璧六載應璧卒氏哀毀骨立十日勺水不入口縊死柩側萬歷閒詔旌其門

陳氏廣東人適林尚瑚夫死殉烈

余氏歸林守崗崗性至孝居喪哀毀病篤氏籲天請代先守崗九日自縊死守崗益痛傷亦卒人稱孝烈雙光

何氏林守諤妻夫卒閉戶自經以從

陳履端許字秦孟勤孟勤歿履端歸秦不食死時年十七

魏金妹許字何千石千石姊金妹叔母也往來母家爲金

妹言千石病狀金妹割股付叔母以進千石死金妹堅

欲奔喪父母不許屢自經皆以救免逾日家人防稍懈

遂投繯死何氏迎其屍合葬

陳氏適嚴端明夫死蓋棺時氏輟不泣惟入室自治其衣

髮悅櫛諸具晚扃戶自縊以殉

俞徽宋受聘於鄭濬元將於歸夫忽病死徽宋縞素奔喪

以刀自刎姑遽奪之喉未斷又以簪刺之不死復自經

將絕姑又解救之竟絕粒二十八日乃死事聞詔旌之

陳龍姑許字嚴濤未婚濤卒龍姑不食自經死

林細銀許字王一法一法卒細銀奔喪死之萬歷中巡按

陸某奏旌

鄭近姑許字嚴仕擢未婚仕擢卒近姑撫膺慟哭卽入室

自經仕擢家迎其喪合殯

魏聚金受聘於林一蓮將婚一蓮卒聚金歸林晝夜立柩

旁哭不絕聲者旬日告廟拜姑嫜而死萬歷中與鄭近

姑同旌

王崖妹適方瓚年二十有二子週歲夫卒絕粒欲殉家人止之勤女紅撫孤父憐其貧將擇右族歸之女不肯逼之乃托其子於親屬中夜自經死進士王以旂為之傳林氏副榜吳兆陞繼室夫沒無嗣以堂上三柩未歸窀穸為之營葬畢歸遍告宗屬乞祔祖祭遂入戶投繯以殉陳細舉許字鄭從岳將嫁從岳卒陳誓死奔喪哭奠畢屏居小樓足不下梯鄰失火人促之避不聽俄反風鄰屋俱燼獨陳臥樓上無恙年八十餘終天啓閒詔旌

張氏許配周今泰今泰卒氏聞訃慟絕拜辭父母素衣奔喪以貞著

薛秋姐許字翁省省卒秋姐與母相依五年歸夫家追服斬衰三年勤紡績以養姑

陳潤使適張一朝逾年生男夫卒未幾男又殤遂投繯而逝年二十有二

吳氏夏懷妻夫卒殉之有詩云百千投死急如煎直恐夫亡在妾先病骨不堪泉裏路九原誰倩傍夫顛

林氏適陳某天啓閒海寇登蘇灣氏抱孩攜婢被獲登舟

林俱赴水死

林清朱適張一仲一仲賈海上遇賊死氏出簪珥募人入
吳海覓屍無獲抱二歲女置岸側將赴海以殉父趨沮之
遂自經年二十有四天啓閒旌

方恭宋許字黃士瓚士瓚卒女年十四聞訃卽毀粧欲奔
喪父母不可乃服縞素步行面靈慟哭引所藏刀割喉
死天啓閒詔旌之

何玉宋許字林洪燧未婚洪燧歿女年十八聞訃卽與母
訣悲吟五閱月母防之密乘閒賦絕命詩一首遺母投

繯而逝

林采藻許字廉國燧天采藻年十七聞訃卽絕粒辭
訣父母抵夫家不食三旬卒

王貞使許字陳大纓大纓沒女聞訃奔喪居三年坐臥一
榻小牀忽一日起慟數聲遂投繯死年十九

林錦宋適郭鼎鼎病革林泣曰君行妾亦至無相離也鼎
首肯而逝林吞金不死嚼鉛粉又不死絕粒二十五日

乃亡

吳尾宋歸夏夢軫逾年夫病篤氏割肝和羹以進得稍延

夫卒氏枕屍哭閉戶更衣自經而死味羹以盡其餘
江新宋林雲彤妻夫病割股爲劑以進夫死治殮畢遂入
室以釵刺喉閱三晝夜不死復出所藏刀割喉寸許爲
林姑所奪幾絕復甦遽引魂帛自經妾衣至無味醬也
謝亨朱歸林用進用進卒氏絕粒旬餘不死取所藏金雜
王鉛粉吞之又不死偶家人挈用進書篋至大慟見有遺
礪與硝因取盡嚼之嘔血盈盆而逝年二十有一
蔡氏適翁某甫六日夫歸瑟江暴卒氏臨柩慟絕遂斷喉
死

波訃聞氏大慟自刎以殉崇禎開旌

鄭氏夏膺隆妻夫卒氏以簪刺喉死

陳氏陳祥女適方岳岳死氏自經殉之

連氏林思焯妻思焯卒於京氏聞訃哀毀守制三年服闋
遂不食死事聞詔旌

翁仲宋適嚴士揆夫卒誓必殉家人守之七日自經死事
聞詔旌其閭

莊辰宋適嚴登域登域客死莊矢志殉烈絕粒吞金未卽
死除夕密取魂帛縊夫柩旁邑令余某以閭天真雪表

之

余金氏歸翁克甫克甫病氏屢許以死病篤氏從容治殮具顏色如常入內改衣自經先殯氏於旁克甫猶張目視之乃瞑

陳氏林守業妻夫病危試之曰我死爾將何如答欲偕逝夫曰難氏乃先二日自縊死

嚴春姐歸翁文焯夫死氏決殉家人防之嚴因匿刃絕食吞金珥不得死徐入帳仰臥手刃咽喉血濺床櫺而絕

巡按應某奏旌之

王氏適嚴麒麟客死氏卽欲殉念有娠至期生女拜舅姑於堂泣曰亡人旅櫬未歸浪跡遊魂婦當從泉下覓耳

投繯而逝

薛氏名引使歸張應駒年二十夫卒絕粒吞鉛粉從容拜辭舅姑而沒

陳瓊使適余元鼎元鼎卒氏哭踊絕而復甦次日拜奠靈前遂入室投繯而逝

嚴莊姐進士嚴通女歸翁士科年二十士科卒遺腹生男孀守奉翁姑會屋燬父母迎之歸居無何病篤父強之

藥女卻不飲父乃護輿至翁家氣已絕忽張目眎姑及子良久乃瞑

國朝

以下
貞烈

○張荆玉歸諸生施淑琬夫病卒氏慟曰吾不忍以孤女累舅姑及女七歲死遂絕粒七日不死服毒又不死再服野葛而卒

○陳守娘莆田人歸邑人田大真夫卒有子九歲氏矢節二十載康熙十年子被寇害氏營葬夫與子從容自縊死

○鄭美宋適林一纘纘疾革注目視氏氏默喻其意越次日纘僅存一息氏整衣拜母雉經牀前纘氣方絕

○陳氏何館昌妻翁履垓早卒大姑及太嗣姑與姑薛俱寡薛善事二太姑撫館昌兄弟成立館昌死氏哀慟欲絕姑以遺腹止之孤育二歲天氏固請死父母與家人環伺之至館昌大祥合戶投繯死年二十二

○郭庚宋許字葉益萼未歸值海寇蹂躪翁被執益萼及弟倉皇溺死弟妻林氏亦未婚卽奔赴殉烈女聞訃素服奔喪孝養翁姑備至以節終

○翁盛宋適陳士碩士碩卒引刀自裁爲家人所奪又嚼鉛粉絕粒五日以殉追祀節孝祠

○戴氏適林雲闕雲闕遇賊死順治丁亥鎮城陷氏遣孤子出避自抱少女投井死

○曾氏適林雲起順治丁亥寇陷城雲起從陴上逸出曾同母嫂二姪女相繼赴井死方鼎新爲作五烈傳

○吳氏名慈哥適林遇夫順治丁亥寇踞鎮城遇夫逃去吳偕兒女被擒逼之行道遇井吳抱女投焉後有瘞遺骸者發石欄得吳母女屍四旬顏面如生收其骨殮之

○嚴夏妹林家僕婦也夫死自縊又翁家僕婦林姓夫死飲毒死

○林整宋歸翁應旂應旂病篤與訣林取帛示之誓以必殉及卒哀哭絕粒不死吞金亦不死方引刀家人奪之旋以釵刺喉又奪之卒自經死年二十二

○吳氏名靜宋諸生陳民望妻順治丁亥寇圍城氏攜小刀自隨猝遇兵懼辱刎死七日顏面如生

○林秀宋適謝民瑗民瑗從師贛州沒於陣林聞訃欲殉有女宜宋將及笄泣勸而止順治丁亥攜女歸逕江依

其弟宗平居焉戊子寇掠逕江林偕女赴井死

○陳氏毛翼禎妻順治丁亥寇警夫歿于陣鼻尸歸鼻血漫流陳口舐其血殯畢不食七日自縊以殉

○黃氏適林德壽海寇突至劫之行不從賊刃之斷五指仆地賊義而捨之後德壽遘疾黃誓以死殉其族聞之爭欲設祭不可族人聞而趨之夫卒七日乃自縊

○蔡氏名引弟順治開寇亂氏從父三知避兵被獲兵刃三知氏抱父不釋兵怒并刃氏引頸就刃願乞父命脰垂絕猶牽父裾哭年十六

○周氏林德長妻夫病方懷孕三月及卒卽絕粒與父訣家人防之閱五晝夜乘閒投繯以殉

○某氏福清人寇屠海口城女被執赴橋水死又某御史道經福清有一人爲邏卒所獲將殺之其女奔至館驛號泣辨父非賊御史竟殺之女遂死於父側時順治丁亥季冬

○謝氏歸張可裕順治戊子因寇亂可裕遇害尸僵於路氏伺兵退治棺爲夫殯葬畢歸家投繯以殉

○嚴銀使適莊士琅順治戊子士琅被寇害遺腹生男及

○晬又死乃自縊

○葉氏廣東番禺人年十五歸邑人翁應璣爲妾順治初
粵城告警夫及男女各散奔氏懼辱卽投繯死屍懸梁
閱三日顏色如生

○何癸宋受聘王三長三長歿女聞訃奔喪獨處三年服
闋絕水漿晝夜號慟自經死

○官氏瑤玉三山明經官懋功女歸吳毓琮夫卒殯畢引
刀自刎爲親者所奪因破磁器刲喉幾斷不死取金釵
碎咽亦不死復裂素以經手弱不勝又不死後絕粒十

八日乃死年二十有四

○吳氏毓礎楊日遇妻夫死屬纊畢卽扃戶自經衆救之
翁姑父母慰勸皆不答夜與姑同宿潛起自縊姑急起
覓火不得比舉燭而氣已絕

○翁茂宋許字林輝祖夫歿聞訃遂自縊家人救解父兄
防之益嚴乃獨處小樓毀容減殮縞素三載後竟不食
臨革怡然曰吾今得爲林家婦矣聲訖而逝

○翁氏朝官適張士升士升客姑蘇病卒訃至氏事姑素
孝謹恐姑病增劇暗自摧毀密置周身之具夫櫬旣返

哀奠畢乃沐浴更衣投繯以殉時年二十四

○劉銑宋適郭帶河帶河病沒劉哀哭仆地嘔血數升絕殮七日撫帶河之棺大慟而絕年二十

○曾金宋張可清妻年二十一夫病刲肱以進夫死以薙髮刀自剉柩旁

○林氏適何所獻夫死尚未殯自經以殉

○薛氏張士燦妻士燦由武生授守備癸巳赴敵死信至薛告姑曰夫爲君死婦爲夫亡各伸其節勿傷悲也絕粒八日不死復嚼鉛粉卒

○高氏貢生高拱女歸陳鳴珂珂沒子奎甫三歲長爲娶婦莊氏未幾奎文死高與婦謀同死婦請期高曰陳三世無後未了事皆吾與若事乃爲其夫先世營邱壠置祠田俾三世永祔血食遂擇殉日至期姑婦焚香拜其夫靈畢就堂中各懸一繩於夫柩側姑婦對縊而絕顏色如生

○林定宋武舉人翁大城妻姑病刲左股和藥姑得痊及大城病復刲右股不效痛哭不欲生遂謀立嗣已定投繯而死年二十有五

○鄭氏細啓適何師稷師稷死鄭年二十七絕粒十八日
不死卒雉經以殉

○余敦宋年十七歸方捷武五閱月捷武病卒余卽自縊
以救蘇次夕密懷小刃夜半以被蒙面割喉潤二寸許
祖姑與同寢覺亟以藥傅之復甦延七十二日乃絕

○李四媽家本農也爲四賊所獲賊繫諸婦於屋中欲徧
汚之四媽罵且手擊之遇殺

○林氏歸郭有執夫死遺孤一歲氏撫孤一十六年而孤
殤氏乃訣諸戚屬投繯死

○鄭氏諸生施大昇妻順治丙申寇掠大昇父大昇代父
受辱卽自經死鄭視夫含歛畢奔至文廟拜且哭懇
其夫冤死狀伏地扼吭而絕

○林清宋何德坦妻順治丙申寇亂追且急林告其夫曰
君速行勿爲妾累乃抱石沉湖而死

○吳淑官許字施延哲延哲卒旣葬訃至女哀請奔喪拜
夫墓反自縊家人解之夜經於床繩斷不死經於梁繩
又斷復食毒草不死自是水漿不入口者十三日含笑
而逝年二十順治閒旌

○吳氏余廷碩妻夫卒僅生一女氏抱而哭曰爾何不幸
生我家也持小佩刀自刺兄嫂亟奪之復投繯死年二
十五

○黃氏適林百麟百麟溺死黃號哭爲夫歛畢以刀割喉
氣絕復甦卽引喉傷向石堦尖刮磨爲家人救解至晚
就縊者再繩斷不死以敗絮塞口又不死乃取鐵筋刺
入喉傷處攪斷喉根而絕距夫死三日年二十有三

○陳氏適李道生夫病沉疴求速死氏許身殉夫婦提攜
而出至市中大井旁以繩共束其腰相抱投井而死二
屍浮出面色如生

○林氏瑞禎孝廉林時應女適候官嚴孟蘭孟蘭得疾林
割股和藥以進及卒哀慟幾絕取碎金吞之不死姑以
腹有遺孕泣諭之及生男又不育乃大慟嘔血數升而
死年二十

○劉滿姐適姚文璫順治丙申海寇至被殺喪其元尸昇
歸氏舐血吞之縫布爲首以歛誓以死殉乃請伯氏子
宁爲夫嗣鬻衣珥佐伯氏葬夫於故里越三年清明哭
奠墓所歸咽金屑遂死年十九

○張丙宋許字劉鳴和會海有警兩家俱內徙會城夫死
奔喪拜謁翁姑伏屍號慟一日翁欲歸其夫之喪于福
清爲女治素輿女曰輿已具惟多備舁人耳遂取所蓄
毒與金合吞之乃拜翁姑曰非不欲扶櫬恐道遠戎馬
糝雜未敢以寡女廁身其閒計惟以棺從俾兩魂相依
可矣遂沒年二十順治開旌

○鄭宜宋翁長義妻夫死以頭觸柱血濺數尺氣絕復甦
遂斷飲食日夜搏胸慟哭至十三日扃戶投繯死

○葉正端明葉文忠向高曾孫女適諸生張祈祈父可仰
爲建寧教諭氏隨夫之任一年夫病剗臂肉和蓮實以
進夫死泣拜翁姑貽書訣母及弟不食旬餘不死吞毒
草又餌鉛粉積三十日乃卒年二十有一

○俞秀官翁鑛妻鑛遊學秦川卒訃至秀官引刀自刎仆
地甦以未及拜訣舅姑乃掬水滌血整衣出拜至雞鳴
仍割其喉血盡氣絕至午復甦恚而泣曰何一死之難
若是卒裂帛自縊

○林氏高暢夫妻年三十無子順治庚子寇焚高族火延
宗祊暢夫禦賊見殺林抱夫首泣告宗老曰夫爲祖宗

苑願宗老爲夫穴氏從夫地下當相爲厲鬼衛宗祊也
投繯而苑

○林氏荆玉周子映妻順治庚子海上有警林被虜投水
苑三閱月得其屍于海礁膚髮不壞衣履如故昇至家
臨歛鼻尚流血宛然如生

○李瑄宋歸高彥寵順治辛丑海寇突至李被繫逼登舟
躡入波心苑屍流至本里家人獲之尚抱幼女在懷顏
色不改年二十四

○施氏許字高某順治辛丑寇掠其鄉女聞之自縊於寢
僕鄭英之女從苑

○吳氏敬珠適高聳順治辛丑海寇至氏子匿山中遇害
夫亦於是日苑氏欲殉因念夫與子喪未葬會遷海令
下依弟以居閱三年喪畢歸葬撫棺大號自經而苑

○陳氏適郭紹庚夫卒子三歲氏撫子成立子後病沒氏
葬子畢遂赴水苑

○劉恩宋歸郭孫章夫苑劉視含歛畢明日從容投繯以
殉年二十七

○楊氏歸郭文富夫卒貧不能歛人贈以棺昇至氏從容

治具及夫殯畢乃經於柩側距夫死纔半日

○何氏陳彥綸妻彥綸外遊久家故貧氏織紡以奉舅姑夫歸一年卒氏以死殉焉

○劉官宋夫林百驥疾篤割臂和藥及歿殯畢晚謂隣媪曰恐吾明日起遲煩收所晒衣及晨隣媪視戶不開排闥入則自經於梁矣

○翁永官翁輔女歸林雲禧夫死逾夕取夫魂帛自縊柩側爲婢救甦又潛取夫所服條繫腰閒乘閒遂懸而絕搜其篋中得遺詩四首年二十一事聞獲旌

○林瑜宋歸余其晁夫死於武林哀慟招魂越三日自縊死年二十六

○林氏盛哥莆田人適邑人陳孟東病篤氏割股以進不效遂絕食十四日復自縊死

○吳蘭使適鄭默默故宋鄭介公裔得疾卒吳扃戶自經死

○韓氏林其標妻標苦貧遘卒藥餌無所出氏剝腕肉深寸許和糜以進標卒姊爲營葬韓曰煩代治兩棺并寬一坏土俾婦與夫相依死不恨遂自縊而絕

○林丙宋歸歐如經一載而夫死越三日沐浴投繯卒邑令李某請旌之

○薛正宗陳文滙妻夫死卽投繯家人解救一晝夜方甦乃勺水不入口七日卒

○林氏適高希良希良客游病且死乃斷髮裂衿函以遺氏後火骸而歸氏哀號欲絕乃自定期從容自縊

○鄭成宋適翁肇正肇正病卒氏誓死相從自治棺衾櫛沐更衣拜舅姑及父母扃戶自縊同時有陳氏林士茂妻夫卒親族諷以改適氏泣曰烈女不事二夫吾忍有

異志哉乃擇嗣文喆文霍以繼宗祧卽日投繯死

○高細宋許字翁登墀登墀死訃聞氏涓日歸夫家拜舅姑哭祭故夫墓所畢將自裁姑曰叔妯已孕若男也當爲汝後妯生男乃刺指血疏於天豫決死期凡七百餘言屆期沐浴更衣入內寢投繯而逝年二十四

○陳細宋適李志俊年二十二夫卒至小祥從容雉經死顏色儼然如生

○張氏瑯瑞適諸生吳焮焮卒遽自經母姑收甦尋嚼鉛粉又不死姑將厝焮柩於郊張泣告姑曰請緩以婦柩

從闔七日不食夜半起沐浴更衣拜夫主又嚼藥至日
○中毒發乃端坐而逝年二十二

○林聰使適何源灝數月源灝卒林哀慟欲殉姑以年老
泣止之遂與姑食貧操作相依為命及姑卒夫弟亦歿

乃沐浴更衣投繯而歿

○薛祖宋郭名堪妻夫歿投繯絕而復甦遂不食十二日
復雉經歿

○林氏歸翁長鉞長鉞卒斂畢緘於窓櫺姑急救之猶瞪
目舒氣比昇至榻氣已絕

○韓貞宋歸薛棨棨卒韓就緘妯娒請俟棨百日從之居
期端坐緘死柩旁

○魏閏宋歸諸生翁應霄霄肄業會城卒魏撫孤十二年
孤暴亡因自經歿

○方魁宋歸施國度夫卒至小祥哀哭成禮投繯以殉年
二十七

○盧端宋李育紀妻年二十三夫卒無子氏誓以死殉翁
姑泣勸之乃守節三年服終投繯歿

○林禧宋戴可頌妻夫死林年二十五卽矢志以殉家人

○勸以夫未葬死無益乃罄衣飾謀卜二穴至小祥拜辭親屬雉經於內寢

○王氏適陳元城元城業漁溺於水氏號哭奔赴江畔招夫魂覓屍葬之越十日雉經以殉

○施福宋適陳初圻夫卒翁將厝初圻柩於郭外施跪請曰乞稍緩以婦柩從於是水漿不入口投繯而絕年十九

○翁朝官適余瑞萃夫死引刀自裁家人奪去之遂閉閣絕食自擇死期從容投繯而逝

○游乾宋適何繼響夫客死建寧游矢志以殉先是游爲夫置媵生一子至是以孤屬媵曰汝撫孤爲其難吾爲其易遂自經年二十四

○江氏碧玉適施堯蓋家貧僦居編茅爲室夫卒絕粒十六日自擇期雉經以從

○陳瓊使許字王名世名世卒女告父請殉詣王氏入名世寢就小樓自經死年十九

○林玠宋許字陳歲可夫卒女聞訃大慟奔詣陳氏就喪次展衾撫視入寢室自經死時年二十二

○吳氏適余嘉謨家故貧氏紡織佐讀生二女四歲而嘉謨卒父母憐其年少無嗣為改配成婚有期氏聞之舉止如常以女托娣姒令善視之家人不之防忽閉戶投繯死後女安宋適何其玫以賢孝聞子孫繁衍多讀書登仕籍安宋為請余氏宗人立祠祀之

○某氏福清人吳邦瞻妻適遷海檄下夫婦無依止宿樹下邦瞻病卒氏行丐于道為坎瘞之俄縊于樹

○何蘭官許字林勝卿聞夫訃乞以身殉父慰解之不從知其志堅乃聞于夫家使迎歸既至憑棺慟哭投繯而逝雍正元年旌入節孝祠

○何福鄉許字王元愷元愷卒聞訃欲奔喪時父客外繼母諭以俟父命乃屏膏沐絕笑語者久之有密求婚者女覺遂閉戶投繯繼母救之甦泣曰兒未即死者欲待

父歸訣而瞑目也今死晚矣竟搯喉卒雍正三年祀節孝祠

○何瓊宋許字陳我照夫卒訃至三日素服歸陳氏遂自縊雍正五年旌入節孝祠

○游貴宋許字給諫林雲京子百嶠年十四而百嶠天女

○聞訃欲奔喪家人固止之雲京官京邸十年歸寓會城遷百嶠柩置郡西郊女衰經躡踊哀感行人歸拜翁姑

○稱未亡人年七十四卒

○莊興宋鄭元康妻耿逆之變與夫避難至江口夫病卒

矢志守節六年父母欲奪其志誓死不從結帛縊牀

中端坐而逝

○方正宋許字張可育越三年可育殤正宋請奔喪不果

及聞夫葬引刀割喉父傳以藥正宋曰求死耳乃傳藥

耶迨大祥不食八日齧舌舌斷卒因合葬焉

○俞氏林其銘妻姑病割股夫病又割臂銘沒無子父母

未葬俞勤紡績數年葬舅姑訖事遂自經

○柯旺使永福人歸邑人林士章士章邁疾將卒柯以從

死誓旣歛裂布爲兩魂帛以線聯之衾置於座至期沐

浴哭奠從容投繯死年二十

○翁好宋郭賢錦妻夫卒氏年二十二卽誓以殉有以守

貞勸者氏曰守難而烈易吾爲其易者且與夫訂矣遂

於夫喪畢自縊死

○林金宋適陳孟東數載孟東卒氏爲歛具各兩家人知

其將殉泣勸之答曰與偕生當與偕死義也遂自縊死
○林璧官明經林纘孫女歸陳起璋病篤未絕張目視林
林飲泣登樓家人疑之起璋猶張目視樓上其母怪而
登樓則林已投繯死矣起璋猶見林先殯於床逾時目
乃瞑

○薛氏適閩縣劉浩修二年浩修卒薛閉室投繯其母與
姑奔救後甦越六日凶服成竟自縊閭里鼓吹以送殯
○劉坤宋許字林士悅聞士悅卒女慟絕輒破所照鏡奔
喪抵林氏見夫屍撫膺哀號徐收淚問姑曰婦于歸何
室也姑指其處女卽入室就縊與士悅同歛焉

○何氏柯秋卿妻康熙甲辰兵掠其鄉遂自縊死
○魏氏名王俊郭家僕婦也夫死不嫁邑經耿逆之變王
俊密佩鈎吻乾兵至吞而死

○陳救宋鄭昌佩妻昌佩卒陳矢必殉迨葬期遂之葬處
自縊死同穴窆焉年二十六

○林旭宋適國子監生陳子楮海寇至氏倉皇避走寇攫
而負之齧賊耳幾斷爲賊所殺

○何氏諸生陳徽五妻嫁數月夫亡越數日閉戶縊死年

○二十有一
○嚴氏陳一禮妻夫死遺一子娶婦嚴氏女姪也生孫甫三歲子卒孫殤值遷海檄下悒悒相對泣媳先就死姑隨自縊

○魏氏聚使許字陳克潤年十六而克潤亡父母秘之將逾年潤父卒訃至無潤名始知之遂絕食欲一環父母固勸乃歸陳執婦道事姑盡孝撫嗣子成立一節三十三載卒

○林愛宋張日洪妻夫卒愛宋欲縊以殉乃於燈下煖湯將盥沐稍止哭鄰媪詢之曰何不哭而舉火愛宋熟知知之乃誑之曰頃夫更生矣呼茶故舉火遂閉戶浴畢就縊與夫同殯年二十八

○何氏歸林景高時以遷海寓會城景高病篤還縣氏侍湯藥密自治周身衣履景高卒歛畢并爲天擇嗣人內寢自縊死

○吳氏淑玉候官人適邑人余宸綸宸綸家故貧兼病淑玉拮据致藥物竟不起逾旬一子復殤淑玉泣告父曰是兒死日矣夜縊不死越月祭日又縊家人解之三閱

月夜半乃縊死

○王氏端英許字周元梅年十四元梅卒女歸周家矢志

貞守擇夫姪爲嗣日夜紡績以營葬享年七十有九

○敖器宋年二十歸王崑士崑士業儒氏勤紡績閱五載夫卒無嗣越七日雉經死

○陳齊宋葉惟娘妻歸葉一年夫卒服喪三年一日作詩云一載錦囊成百歲一環水骨係三綱遂自縊

○葉巳宋適俞克操夫沒終喪自縊死

○王朝官陳兆玟妻夫死無子時有寇暴氏罵賊被殺

○吳授官翁士山妻士山病卒氏投繯以殉

○郝氏林聲侯妻聲侯病卒既卒哭雉經於夫柩之旁

○湯氏許字周澤澤卒訃至氏告父母曰兒周家婦也當

往修婦職父母許之遂往孝養舅姑貞守三十餘年

○翁佳宋適龔爾國氏幼通書史識大義歸龔年餘夫卒

作哀詞四章投繯以殉祀節孝祠

○俞銀宋林世師妻婚日世師忽病扶掖成禮越半月臨

終謂氏曰余誤爾矣奈何答曰君先行余亦從君耳治

喪具畢擇日拜家廟別親屬從容自縊

○林貞宋年二十歸陳廣明三歲廣明以販魚溺死氏赴
哭極哀卽蹈海以殉以援不得死氏曰吾志決矣何苟
緩須臾爲越次日廣明斂畢遂投繯而死

○許端宋歸戴學光逾年學光從師暴卒於館舍氏聞變
慟絕卽投繯以殉年十九

○吳嫩宋夏嘉密妻事翁姑甚謹翁喜食魚嘉密時舉曾
取魚水漲溺死氏於次日自經以殉

○陳鳳官幼聰慧知書長適林聖修夫死無子投繯以殉

○周璧官許字葉文忠裔孫信年十八將婚信忽病革女
聞卽絕粒訃至奔詣葉氏展拜如新婦禮撫尸痛哭遂

自經時康熙甲戌十一月雍正四年祀節孝祠

○魏氏名饒官許字江孝朗未婚而孝朗

喪父母弗許日夕哀號堅請往遂縞素

十九年

○劉貴宋甫十歲父母俱亡事庶母如已母許字陳振祚

振祚亡氏決志往殉先期拜宗祊謝庶母及姑姊妹抵

南郊哭及門謁舅姑如禮入內室坐待旦鷄初鳴投繯

而逝時康熙甲子年雍正五年祀節孝祠

○薛瓊官許配林守官未婚夫病卒女之林投纆以殉年

十八

○葉敬使年十七許字黃家皞未婚家皞歿訃至女即素

服奔喪投纆死于夫傍

○林霏官許字吳賢太未行賢太卒女年十九聞訃更衣

毀容絕食五日不死卒自縊歸于吳事聞旌獎祀節孝

祠

○陳瑞華許字何廷詩廷詩年十六夭女尚幼聞訃即欲

殉死父母阻之不食八日卒

○林申宋許字江振三未婚振三天女年十一聞訃奔喪

竟詣江氏殉烈祀節孝祠

○任玉宋許字何奕招奕招卒女聞訃痛哭絕食之夫家

投纆殉之

○何滿宋許字林孝樂未婚而夫卒女之夫家自縊以殉

祀節孝祠

○薛紹宋許字林干學年十八干學卒自縊以殉

○許巽官許字吳觀餘將婚矣觀餘忽病歿女乃赴夫家

從容死之

○方氏閨使許配吳建年十八未婚夫天守貞四十一年
○歐氏端宋許字吳士禮士禮病卒母秘之月餘氏若有
所見以告母母度不能隱以實告女大慟坐達旦欲奔
喪母使聞于吳次日詣吳門自經年二十二祀節孝祠
○傅氏玉宋許字陳恭悅恭悅卒奔喪大祥日自經以殉
○黃氏靜官知縣黃天箕女許字陳恒泰年十八恒泰死
女之夫家執婦道四十年如一日乾隆二年旌表

○魏氏玉宋許字福清李聖卿夫卒貞之四十餘年

○林氏諸生何昭昆妻昭昆臨沒以目視氏而不瞑氏指
心曰此中已許君久矣幸少待卽閉戶自經邑令某以
遂志同歸泐其墓道

○張理官年十六適諸生葉廷棟甫一載廷棟暴疾卒歛
畢出奩中物分贈娣姒自經死時康熙癸巳十二月雍
正四年祀節孝祠

○鄭定宋何承恩妻夫病卒氏年二十有三無子投繯而
逝

○郭德官魏值妻夫卒自經死

○林瓊官適李璧燦壁燦久病卒不起氏爲葬畢投繯自

盡

○劉升宋夏耀妻夫歿氏年二十四乃自縊與同殯焉

○陳瑤宋王世融妻夫歿自殉死祀節孝祠

○俞卯宋楊振康妻振康卒越數月竟殉死年二十

○陳穎官余芳年妻夫卒越三日投縲而絕

○翁敏官鄭尚進妻夫病卒謂所親曰真覓雙棺請以死

○殉家人泣止之不回卽于是日投縲卒祀節孝祠

○薛氏許配三山王大標年十六未行而夫卒聞訃欲殉

家人防之不得死乃守貞不字年三十七父母亡夫族

延之以歸為立嗣男卒年七十有一

○林紫宋年二十適閩邑黃守靜四載守靜歿氏志決

烈不露聲色既殯遂登樓自縊祀節孝祠

○林招宋年二十二適何逢龍逢龍航海遇寇死氏聞欲

殉翁姑堅止之逾年乘閒赴江死潮退尸端坐沙際面

色如生

○徐端宋陳允密妻允密沒投縲自盡時年二十祀節孝

祠

○林徽貞適何得寧夫歿氏年十八撫嗣男甘貧守節六

○年嗣孤殤遂投縗死

○周繡宋年十八歸吳名舉六載名舉卒氏葬夫畢遂投

縗時康熙甲戌

○陳喜宋適林武武沒服將闋投縗而逝年二十有八

○余氏閻宋許字施維源年十九維源卒氏聞訃奔喪矢

志守貞不數年兄公與姒繼亡氏勤紡織奉姑撫孤姪

男女四人成立

○吳齊官林兆袞妻兆袞早世遺二孤家故貧氏年二十

有一子志無孤不數載二孤相繼亡氏營生茹荼及夫

柩遺誠承嗣子乃自經

○余敏宋吳孔晚妻夫病篤即誓相從及卒遂絕粒自經

死

○林氏陳淑寶妻夫卒乘閒投縗死

○林民雲何鞏生妻夫始死雉經者數家人防之密不得

死至大祥日投縗以殉

○陳玉宋林允貴妻年三十夫歿遺孤八歲氏哀慟誓同

死家人止之不可即自經死

○施菊宋適鄭肇恭肇恭往江右尋父死于途父歸以告

氏大慟投繯死

○葉珂官父積沂計偕滯京邸母病篤兩兄相繼亡女籲天剖股和藥以進年二十適解元施鴻綸五子紡美越七載紡美病卒氏趣具兩棺衾投繯以殉

○陳氏良著候官舉人陳日進女適邑人何肇龍未一月而肇龍歿翁姑慟絕氏飲泣婉勸越五十日旋入幃投繯而逝雍正四年祀節孝祠

○陳龍宋許字林嘉魁魁卒奔喪自經死

○方珠宋許字夏日陞年十九日陞死家人秘之女詰知其實絕粒累日奔喪投繯死大府給扁旌之

○吳葵使許字林烺年十九聞烺訃歸林事舅姑撫嗣子迄于成立雍正五年旌入節孝祠

○念巧宋許字吳賢幼至孝未婚夫卒奔喪投繯而逝雍正五年旌祀節孝祠

○黃容宋許字郭孝謹性至孝父病剖股以療及聞孝謹訃至奔喪守貞既翁病氏又剖股和藥病獲痊喪畢以疾卒

○葉氏名中官年二十適何恒慤姑喪哀毀恒慤卒投繯

以殉

○盧氏鎮官陳正炯妻炯病篤氏割股和藥以進夫卒越三月自殺以殉

○倪居宋適林彥飛未一年夫病卒絕食自經死

○林定宋劉鳴珂妻夫沒次日投繯死祀節孝祠

○陳安宋年十九適徐奇蕙夫亡自盡以殉

○何氏琬玉許字張登棟夫卒氏年十七訃至歸張守貞

孝奉翁姑課督嗣子成立雍正六年旌入節孝祠

○嚴氏何立雯妻夫病朝夕籲天請代夫歿投繯死

○林楚宋夏永尙妻年二十二夫病歿營葬畢自經死

○王氏儀宋年二十一適夏金簡夫卒立伯兄子爲嗣旣卒哭自經以殉

○方孟捷林嘉綏妻年二十有四嘉綏卒氏投繯死

○王齊宋余喜侯妻喜侯家故貧又多病未婚時氏父母欲毀盟喜侯許之氏堅不可歸余五載夫卒無子隨于

次日殉烈年二十有八

○鄭氏年十九歸蕭聖立夫家貧氏奉姑謹夫病籲天請代及夫卒卽日投繯死與夫同殯祀節孝祠

○薛月宋吳大侯妻夫病卒閉戶自經時年二十有四
○郭鐸官適何學纓五載夫沒遺孤三歲撫養成立孤又
天氏擇嗣孫爲後自投縗死

○陳端宋適林會可年二十夫卒氏卽日投縗死

○周寅宋高允哲妻夫沒無子擇嗣定誓以死殉遂投縗
死

○林金娘蘇達妻夫歿氏悲痛欲殉家人密防之閱兩旬
防稍懈卽自縊死

○俞春宋許字林裘夫裘夫病篤具期趣婚女母不允女
請應期往供醫藥越年餘夫卒氏投縗殉焉

○陳氏秋宋魏士叅妻士叅沒氏撫膺大慟投縗而絕

○王寅宋林則騰妻夫沒以死殉時年二十八

○魯瑞香薛廸名側室夫病危日氏曰汝將何如對曰願
相隨地下耳夫卒死之

○鄭美宋年十七歸薛師聲五載夫病卒氏自治棺具投
縗死

○林玉宋薛廸吉妻生子甫七月而廸吉卒氏年二十一
矢志孀守後子七歲病危氏叩天泣禱以身代兒死存

薛氏一脉遂入戶投縲死其子果愈

○施瓊宋適何恒達嫁半載夫沒卽投縲以殉

○陳進宋林侯肄妻夫死從容就縊

○陳氏諸生方逢昂妻夫病卒閉戶自經與夫同日逝

○張琿宋王荃妻年十八歸于王後荃挈眷寓姑蘇夫歿

立夫兄次子廷賢爲嗣營葬事畢再拜結縲以殉吳中

紳士贈詩成帙

○余有宋何嘉均妻夫死遂自經

○吳細宋適陳聖藻數載夫卒投縲以殉

○張雅宋方宗會妻年二十七夫卒無子自殺以殉

○鄭成宋適王元銓八年夫病沒氏輟哭治兩喪具家人

知其欲死防之密氏乘閒閉戶自經

○翁仁宋林元賢妻元賢卒翁客福安婦請殉家人止之

以俟翁回因緩死年餘翁歸又請力阻之婦因強起加

餐至夜半防者懈遂自經死

○徐葢宋適鄭孔黃夫病卒自經家人救甦後復就縊於

夫側

○趙盡宋李公惠妻夫卒氏卽日殉之

○陳香官李錦忠妻夫卒志決必殉翁姑泣勸不從竟遂其志

○張雅宋適陳我都夫卒營窆窆畢自經而逝

○陳靜宋薛繩摩妻年二十五夫卒氏欲殉姑止之以有遺腹異延一綫及生男氏撫孤備歷艱辛迨男婚娶後告其妯娌曰吾事已畢可以報亡夫於地下矣越三日經於夫柩之側

○林如官何朝顯妻朝顯遘疾氏籲天代及夫卒未殯氏擇嗣畢卽日殉焉事聞旌祀節孝祠

○莫招宋年十九許字林載彤將行而載彤凶問至女潛備死具往奔喪家人密爲防越三日求立嗣畢投繯以死

○余翼官許字陳廣業廣業卒詣陳氏入室自盡祀節孝祠

○吳謚官幼許字張士植士植死父母秘之女詢知夫死卽于次日素服奔喪自經祀節孝祠

○蔡酉宋許字鄭孔涇孔涇沒女詣其家投繯以殉祀節孝祠

○王招弟許字鄭方懋夫沒至其家自經以殉祀節孝祠
○楊水娘莆田人父自莆移居福清許配營卒劉沐沐從
征臺灣病歿凶問至女赴夫家擇夫姪爲嗣卽自經祀
節孝祠

○林窠宋幼字李有純病沒女聞訃日僅飯數七夫喪小
祥閉戶自經父兄知不可回聽歸李氏拜翁姑徑入內
室投繯歿祀節孝祠

○王氏與宋許字周君明年十九君明沒父母老矣女聞
訃遂赴周門守貞孝翁姑擇嗣男撫養成立事聞 旌

獎

○張月宋許字翁繡侯繡侯暴卒女聞訃奔喪自經歿

○林酉官許字陳昌允將婚昌允病劇女請往奉湯藥父
母難之旣昌允沒女以死誓遂至夫家入室投繯而絕

○王富使許字許開先開先卒女奔喪自經於柩側

○高齊宋許字何若夫將婚而若夫卒女欲殉死父母不
許後聞有議婚者卽投繯死何氏迎其柩歸與若夫合
葬

○林朱宋許字陳朝鴻聞朝鴻沒誓以死從家人勝之嚴

乘閒投繯以逝

○吳寶宋許字林紹祖夫凶問至奔喪自經死年十九

○徐淑徽許字薛沂沂溺水死淑徽聞之欲奔喪父

母不許遂投井死時年十九歸薛葬焉

○陳椒宋許字陳華華捕魚溺水死女聞即自縊以殉

○薛茂宋許字林華哲夫卒奔喪自經死

○陳慧宋吳昌坤妻生子未週夫歿未幾孤又殤氏撫膺

慟哭投繯死

○何煥宋歸林聖朝夫沒自縊以殉

以殯

○曾頂宋鄭元金妻元金病篤氏籲天請代既沒絕食自

經死年十九

○吳瓊官何朝碧妻年二十五生一女而朝碧沒家故貧

苦節十一年女殤氏訣戚屬於夫忌日從容就烈

○林有治黃德熊妻夫病沒即自經死時乾隆八年

○鄭銀宋適黃聖裕夫卒氏大慟垂絕既歛即自經死

○施品宋林秉章妻年十三姊璠宋適何某數月殉烈母

哭之哀氏慰曰姊得死所何慟為既嫁夫溝疾沒含辛

撫二孤逾年相繼殤遂投繯死與姊稱雙烈

○夏氏靜宋幼嫻女史識大義許字施應權應權卒女年

十八歸施門立嗣為夫後撫孤十七載嗣子又殤遂遍

訣親屬投繯死

○翁宴宋林元白妻年二十而嫁越五載元白沒氏即閉

戶自經時乾隆九年

○翁淑敬年二十適陳紹準紡織佐讀既而紹準卒氏欲

殉因姑病勉侍湯藥姑又卒乃殉烈年二十有六

○王愛翁黃君仁妻夫卒無子氏經理喪事擇立嗣男遂

○鄭福宋陳周輝妻奉姑至孝夫病割股和藥以進夫

營葬畢投繯死

○林氏靜宋許字鄭孔木孔木卒聞訃在家貞守數年念

寡姑年老遂歸鄭供婦職家貧無生計氏勤女紅以資

養歷三十餘年

○陳全宋適林志壽生一男夫暴病氏割股以療不效夫

卒孤又殤氏絕粒三日不死卒投繯以殉

○李招宋薛卿隆妻夫卒矢志同死私自理衾具越三日

自經死

○張容官適林則聲則聲卒氏卽殉之時乾隆戊午

○鄭滿官江大奮妻夫疾革刲股以進嘗語夫曰倘不諱願共死夫卒卽於是夜投繯死時年二十有九

○林勉宋適薛彝騰彝騰早世氏潛備死具與母訣爲夫立嗣囑與合葬遂投繯死之祀節孝祠

○鄭瑞官適嚴伯懷伯懷歿氏殉死

○梁詩官余敬源妻敬源客死浦城訃至欲殉氏祖母知其志至其家防之益密氏乘閒登樓自盡年二十有八

○解虔洽莆田人適邑人黃初書夫卒自經於屍側同日投繯而絕時乾隆十有一年

○林氏適方子安姑早逝氏事翁及庶姑克盡婦道閱四載夫卒遺孤二齡甫逾月里有豪者謀奪其志氏知之卽入寢室閉戶自經

○吳居第年二十歸林騰國三歲騰國歿遺孤一旣而又殞遂於夫大祥日自經柩傍

○林徽宋陳開仁妻年十六歸于陳夫歿卽于是日投繯死與夫同殯

○林左宋適盧存遠育一男四女比夫卒氏哀痛不食舅

姑泣諭之乃守節居二年孤復殤遂決死拜宗廟別舅姑從容就縊時乾隆十有二年

○黃琬宋歸夏可仁夫卒三年喪畢乃辭訣翁姑父母投縵以殉年二十二

○鄭辰宋許字嚴伯易夫沒聞訃奔喪守節

○常氏河南汲縣人副總戎常天祐女許字諸生陳國勳國勳以誑誤竄山左母老無依氏矢志詣陳氏事姑家故貧有傭丁名玉成者感氏義取薪以給既七載觀察余旬以其事聞京師太史俞長城陳遷鶴倡義贖國勳歸改名昂重入縣庠始合卺子朝麟乾隆庚午舉人

○何翠妹張應文妻夫卒氏年甫二十卽投縵以殉

宋

以下
各媛

林氏福清林瑑女劉克莊妻嫁時喪母哀慕終身金人大入克莊當從師督戰以氏患癰未發氏請曰國有大恥奈何以女子後君事乎克莊媿其言卽發後氏卒克莊重其賢不再室

明

以下
各媛

葉氏大學士向高曾孫女幼讀書嫻大義適閩縣國子監

生王爽產二子俱幼爽卒氏忍死撫孤二十年著有寄
 愁集八卷釋愁吟二卷女璿亦工詩每閱古名媛傳記
 各繫以詩凡百首名曰停針論古傳述

福州府志卷之七十一

福州府志卷之七十一

釋老

史有釋老志於北魏傳則始元猶傳道學始宋也

釋老者道學所棄也福郡志道學而復志釋老何也

程門四大弟子三入於禪程子不觀莊列而其徒為

之注是釋老者亦道學之所銜也道學銜釋老吾惡

知釋老之不心慕乎道學耶謁吾徒而來請吾亦何

惡於釋老特為志之而海濱鄒魯之塗愈益廣矣志

釋老

釋

唐 五代

俱胝諱元修初武宗時結菴於靈石山嘗誦七俱胝咒
 名鄉人有疾崇輒請治之後避會昌禁深入巖谷中人
 以為遁去矣有蔬甲汎流而下乃沿源訪而得之再往
 則廬已虛宣宗四年出詣闕貢金買山始創精舍名翠
 石院元結贈之詩曰萬卷千章總不真虛將文字役精
 神俱胝只念三行咒便得名超一世人示寂益慧勝

縣志

僧詮居連江獨覺巖宣宗時與怡山大瀉為友峰頂有巨
 石詮指叱之詰且移山下儼成一室詮跌坐其中巖有
 猛虎為獵矢所中詮為拔去後數日虎來謝出人相隨
 宋政和元年敕賜慈惠禪師閩書

百丈大智禪師長樂人初事龍泉禪師一日師令浣巾於
 井見青黃二龍戲井中玩之歸遲其師詰之遂以鉢探
 二龍獻師師奇之令削髮遊方臨行囑之曰逢馬則參
 臨丈則止果至百丈山參馬祖師遂得道於其山後復
 歸龍源立道場製叢林規傳於世長樂縣志

澧州瀉山臨祐禪師福州人也始究大小乘教後叅百丈禪師一見許之入室遂居叅學之首左編

李頭陀幼從百丈禪師住洪州後歸葬母於沙隄閭前廬墓三年題詩石上曰守墳三載念生緣種樹為陰出世恩劃石寄言相付囑一重孫付一重孫題畢石自開頭陀遂端坐於中石復合後人因其題刻之石至今猶存

閩書

楚南閩人也姓張髫齡投開元寺曇藹師受訓迨冠落髮詣五臺登戒就趙郡學相部律住上都學淨名經不甘

為漸教縛遂往芙蓉山謁黃蘗運禪師機宜頓了裴休出撫宛陵請黃蘗出山南隨侍由此詣姑蘇報恩寺修行禪定二十餘載乾符四年蘇州太守周慎嗣請住寶林院昭宗聞其道化賜鹿胎衣五事宋高僧傳

智廣陳姓行日月中常有十二影隨身太祖入閩問十世可知耶智廣曰騎馬來騎馬去識者謂太祖與司空以光啓有閩至天德帝歸唐之明年丙午而繼勳繼成始離閩土也光啓二年卒世謂其為龍樹化身乾寧中謚

正覺禪師十國春秋

文矩字子薰一字涅槃福州黃氏子唐末人生時火裏蓮
開既長爲縣獄卒時時棄役往禪院聽講吏不能禁後
出言成讖歷歷如券太祖入閩時文矩避跡莆田邑中
常云吾去世六十年後當有無邊身菩薩來治此國聽
吾偈曰小月走爍爍千落及萬落處處鳳離穴家家種
葵藿光化三年卒後人解其語云小月走者趙也爍爍
火德王也鳳離穴藩鎮散也種葵藿人耕耘也無邊身
廣丈也宋藝祖登極以建隆庚申距其示滅于光化戊
午蓋六十有二年也先是文矩詣西院法堂輪竹杖而
入會有五百許僧染時疾文矩以杖次第點之各隨點
而起太祖甚加禮重創崇福院于泉州以居之號慧日

禪師 十國春秋

義存南安人姓曾氏家世奉釋典義存在襁褓聞鐘梵
聲輒爲動容年十二從父游莆田玉礪寺見廣元律師
遽拜曰我師也遂留焉十七薙染謁禪僧宏照宏照撫
而器之已往幽州寶刹寺受具足戒咸通中回閩登象
骨山創院乾符間僖宗賜號真覺大師太祖問義存象
骨山何竒答曰山頂暑月猶有積雪太祖曰可名雪峰

雪峰遂由是名住閩四十餘年門下常千五百人稱之
曰雪峰和尚後太祖館于府之東西甲第開平二年卒
年七十八太祖爲陳祭設齋焉著有雪峰語錄侍御史

黃滔銘其墓

十國春秋叅
萬歷府志

上藍和尚失其名少居洪州上藍院時鍾傳爲洪州節度
使雅重之太祖與司空假道洪州傳陰有相圖意上藍
迎傳謂曰老僧觀王潮與福建有緣若必殺潮公之福
去矣及太祖封閩王吳王楊行密常欲吞據東南太祖
遣人問國林谷上藍報以十字曰不怕羊入屋只怕錢

入腹太祖嘆曰羊者楊也腹者福也得非福州之患不

在行密而在錢氏乎後數十年福州果爲兩浙所有

春
秋

僧備閩謝氏子幼好垂釣汎小艇于南臺江上狎諸漁者
年三十忽棄舟落髮布衣芒屨食纔接氣常終日晏坐
衆皆異之與雪峰本法門昆季而親近若師資峰以其
苦行呼爲頭陀一日召問曰何不徧叅去備曰達摩不
來東土一祖不徃西天峰深然之歎曰備頭陀再來人
也備初住普應院後遷福州元沙太祖及監軍韋某

時過從待以師禮學徒凡八百餘人開平二年卒太祖
爲之樹塔號宗一禪師左編參十國春秋

義收不知何許人後梁時居候官萬歲寺時春不雨至五
月義收積薪通衢自焚以禱烟舉而雨降後客洪州將
歸會大旱民詣遮留乃截左臂與之臂入境雷雨大作
其臂遂飛去是日收閉關入定出關兩臂宛然萬歷府志

壽山師解禪師闕帥問壽山年多少師曰與虛空齊年曰
虛空年多少曰與壽山齊年閩大記

可隆字了空俗姓慕容住福州東禪寺觀奕有句云萬般

思後行一失廢前功見全唐詩

神晏汴州人姓李氏幼不茹葷樂聞鐘梵年十二時有白

氣數道騰于所居屋神晏題詩壁閒氣隨滅遂依白鹿
山規禪師披削久之乃叅雪峰梁開平二年閩王迎主

鼓山雪峰送至法堂曰一隻聖箭直射九重城裏去也

加號興聖國師先是唐會昌時除佛汰僧有村民于鼓
山靈源洞旁鑿井三丈餘得古磚刻僧晏興法四字以

獻于州至神晏居此大興法教磚文始驗嘗誦經靈源
洞厭西澗水聲喧轟喝之水乃逆流東澗而西澗遂涸

時移坐澗底或掇石乳而食至今巖石尚有瓜痕其靈

異蓋不勝述云

十國春秋
參鼓山志

行修陳氏子生而異香滿室七載猶不能言或曰啞耶忽

應聲曰不遇作家徒撞破烟樓耳後參雪峰義存梁開

平閒至四明山獨栖松下說法天花紛雨又跌坐龍尾

巖結茅為蓋百鳥啣花飛繞後唐同光二年至杭之法

相院依石為室禪定廿年中乏水給飲卓錫巖際清泉迸

出

萬歷
府志

道閑長溪陳氏子太祖延居福州羅山號法寶禪師臨終

時上堂曰歸去也歸去也莞爾而寂時又有僧寶闍黎

續寶林傳四卷神祿住福州蓮華山慧覺居福州報慈

院皆深曉宗旨為太祖父子所優禮

十國
春秋

無爽林姓初參禪於雪峰義存見而器之授以衣鉢謂之

曰汝從東南去逢冲即入逢深即止無爽如言而往得

永福之冲峰至大滌悟曰師密識吾得非是歟遂求一

席創建伽藍即今能仁寺凡住山三十三年跣趺歸寂

舊福建

通志

藻光翁承贊季子也母夢比丘荷錫求宿人指謂曰是辟

支佛也已而生藻光奇異少出家神悟絕倫常叅義存于瑞巖院院前有溪遇冬輒扣冰而浴時人稱曰扣冰和尚義存大奇之謂曰子異日必爲王者師天成三年惠宗召見留十月以疾辭是年十二月二日沐浴升堂告衆而逝焚骨得舍利有五色謚曰妙應法威慈濟禪師先是扣冰住瑞巖及赴惠宗之請別大衆于松門曰二百年後當再歸掃堂宋宣和六年翁中丞彥國請祖鑒大師住院至東嶺猛省曰此吾重來地也扣冰體魁梧遺有故袈裟長丈餘祖鑒披之適稱人遡松門別語時恰年二百後以臘月二日坐逝亦扣冰證聖之日云

十國春秋

行雲福州僧也得異術言未來事奇中陳洪進甚尊禮之一日詣泉州謂洪進曰君當主此山河又曰世報莫不前定苟懷疑殺人鮮得令終後洪進幽張漢思別室卒得善終行雲一言力也行雲常謂人曰陳氏有五侯之象去此五年後有戎馬千萬輩前歌後舞入泉州城未幾洪進入宋獻地改鎮徐州子文顯通州團練使文顯等竝授諸州刺史宋師入城作笳鼓爲樂悉如其言十

春
秋

宋

佛燈禪師號晦菴為僧於建寧登科院後住持閩之鼓山寺歸本里造雲居塔一座顯迹現存作鑑妖記圓寂後自能放光宣和四年聞諸朝勅賜佛燈晦菴禪師萬歷府志有安福州人少業儒長乃為僧熙寧中至建陽一百二十里朝發暮歸有鐘樓頽朽人莫敢登安上解鐘如履平地劉朝奉祈嗣曰與爾一子某年某月日生可名姚哥至期果然閩大記

無緩姓楊名安道候官人祥符中來邑中住永福能仁寺始至為眾說因果善惡聽者雲集一日謂眾曰吾教所說當嚴殿宇遂建大殿創方丈乃更衣書偈曰伸脚自由縮脚自在紳縮無拘去住何在跣趺而寂度門徒一百九十二人閩書

妙心西禪寺侍者母患瘋疾不能步履乃焚香告天曰妙心母老而苦瘋疾聞世取肝割股以行孝今願破腦出髓救母餘年望三界賜祐對空再拜左手持斧置顛門右手執木錐擊之應手頭裂髓出如鴨卵大殊不痛楚

急歸母曰吾兒將何藥來吾已聞馨香矣心以道人與藥令煮粥和服粥成一室皆香母一啜而盡便覺手足輕快宿疾頓瘳長老達於州賜錢帛旌之士夫多作詩

贊詠焉

閩書

有偵者福清人少好讀書稍長爲僧潛心釋典常閉戶獨處緝流皆宗之說法作偈悉入精妙後端坐示寂所著

有平山堂集

閩大記

道臻古田戴氏子十四削髮上生院後走江淮叅知識得宗旨於浮山因北謁大覺若夙契及覺歸吳衆請以臻

嗣焉開法之日英宗使降香賜紫袍慈聖上仙神宗詔至慶壽宮說法曰水流元在海月落不離天賜號淨照禪師臻奉身至約一衲二十年無他嗜好常請文與可掃墨竹於方丈之西壁曰使遊人見之心目清涼此君蓋代我說法也年八十語弟子淨圓吾更三日行矣及期說偈而化

古田縣志

智海本逸禪師閩縣人九歲出家叅廬山禪師入室頓悟

宗肯元豐中詔住持大相國寺賜號正覺禪師

萬歷府志

三元福清何氏子生於咸淳三年初生時卽呼曰阿廣何

在母驚棄之呱呱不復語兩月後有宜興僧智廣造門
自言其師志寧示寂時夢示轉世於此故來相視父抱
出見視廣而笑廣泣然禮拜遂不歸居於方廣巖及讓
十歲智廣復來視讓乃堅求出家父母不得已許之從
智廣入山削髮晝夜誦經不輟人稱之何華嚴元兵入
閩僧徒逋亡智廣亦逝讓獨處巖中課誦如昔後下山
至天台亭有二虎守護禪關洪武閒年百十歲召弟子
示曰吾學不精進情障未斷終當再來人閒自起擊磬
三聲卓立而化

永福縣志

元

慧空獎山寺僧古田人姓蘇母林氏禱於真濟顯祐劉神
君祠夜夢神願爲子十年後歸宗已而有孕生名神乞
能言卽喜誦佛號父母喪寓甌寧爲劉氏養子正符十
年歸宗之夢後受戒於卽心堂聞建陽有海珠和尚往
叅之嘗於建陽募刻法華經大德真子至政和東平里
與池覺應言獎山之勝且曰此真濟顯祐劉神君示現
處也卽悟夙因曰吾當返本還元於此山也覺應爲立
菴一日入定爲大衆說偈三首畢卽示寂俄而雷雨大

作自出三昧火茶毗真身古田縣志

明

正淳字古心閩縣人洪武中詩僧詠苔云青如蚌血染顏

垣漢寢唐陵幾斷魂莫笑貧家春寂寞漸隨積雨上青

門閩書

寂照景泰中古田之九峰寺僧深悟禪理嘗獨坐荒山三

日夜能使精靈伏匿虎狼來叅猿鹿啣花獻菓之異後

圓寂九峰世壽七十九閩書

洽上人神光寺僧精通內典戒行高峻與林鴻為方外之

遊閩大記

明秀候官人鍾山寺僧有哭鄭善大詩少谷高人無日起

百年清淚幾時收嗚呼滄海談詩夜翻作延陵掛劍秋

閩書

源潭天順中雪峰寺僧雪峰有二十四景源潭詠雪峰云

瑤臺凍合深迷路玉樹花開半雜松藍田莊云松逕月

斜巢鶴啖石門雲濕雨龍還無字碑云剝落舊聞惟蘚

迹模糊新樣是蝸蜒萬松關云琥珀氣浮成翠靄黃金

花落混香泥梯雲嶺云雲開鳥道層層險路入松門步

步通醮月池云弄珠神女乘空去臨鏡嫦娥倒影看閩

中詩僧此為上乘筆精

法闡閩縣人鄧定之兄鼓山白雲寺詩僧閩書

無可詩僧也有雲收千嶂雨湖展半江天之句世人誦之

閩書

善緣長樂人姓許住連江山菴有書生讀書菴中會燈節

生到菴曰花燈何寂寞緣曰熱鬧必須蘇杭請同居士

一玩生斥其誕緣令靜對合眼頃刻閒如夢遍閱西湖

諸名勝從此敬信之嘉靖閒台焚是日有鄉人自郡歸

至北嶺遇善緣以錫杖挑僧鞋一隻因曰煩將此鞋回

敝菴交某手鄉人回詰其菴僧衆方候火化大異之樂

縣志

真昇福清人俗姓陳八歲茹素祝髮于困關年五十不諳

文字歸省母構寺雙金山初建時鄉人患無材木昇曰

無慮越數日水漲有大木數百順流而下直入港口遂

建寺曰東金居數年坐化先一日命徒剪髮爪囑曰閉

我四十八日髮爪長則龕以祀我至期開視顏如生髮

爪漸長乃龕以祀蛻不朽敗及

國朝寺廢移祀於郡南臺滄霞洲乾隆十一年復回本寺

其蛻猶存

福清縣志

曹源諱海湓江氏子年十七落髮為僧既而遍叅諸方乃

傾心於博山無異和尚貽以偈曰寶林香水人先辨知

是西方分派來更問最初流出意祖庭深處不須猜源

遂嗣之結菴於長箕嶺萬松中未幾示寂本山

福清縣志

隆琦福清人叅金粟費隱和尚大徹宗旨繼黃蘗法席住

獅子巖下有側石如舟遊者以不平為憾琦持咒默祝

此石若平禪道大行次早石果自平著有語錄十卷

濤集一冊

福清縣志

老

漢

何氏兄弟九人武帝時父為淮南王客九人知王必敗遂

竄入閩隱居煉丹人稱九仙九仙初生日俱盲獨長者

一眼朗然如日為諸仙前導及游莆遇胡道人飲龍津

廟井水各眼盡開嗣從福清石竺山從莆九深湖各乘

一鯉仙去四方乞靈多奇驗

左編

介琰漢時人嘗隱方山

按方山今屬閩縣

師白羊公杜泌受元一

無爲之道能變化隱形嘗往東海過秣陵吳主孫權禮
之爲起靜室日遣人問起居琰不受餉遺吳主欲學其
術琰以吳主多內御不傳吳主怒縛琰着甲兵引弩射
之弩發惟繩索存不知琰之所之

左編

董奉字公異候官人吳先主時有爲候官長者見奉逾十
餘年再見奉顏貌如舊日問君始得道耶何轉少也奉
曰偶然耳交州刺史杜燮病死三日奉與藥三丸內燮
口中須臾手足俱動顏色漸回逾四日能語起謝奉供
奉樓中一日三設惟噉棗脯來時如飛鳥下空人不之

覺如是年餘辭去燮泣留問所須奉曰要一棺耳燮卽
爲治棺至明日中時奉死殯埋七日有人從容曰董公
囑謝杜君好自愛燮啓殯發棺惟存一帛一面畫人形
一面卅書作符後居廬山爲人治病重者種杏五株輕
者一株數年得十餘萬株百禽羣鳥遊戲其下杏大熟
于林中作二倉買杏者一器穀換一器杏置穀少而取
杏多者羣虎出吼踉蹌傾覆至家量杏一如穀數多少
或有偷者虎到其家齧偷至死家人知送還奉叩頭謝
過乃却使活奉每年貨杏得穀賑救貧乏供給行旅歲

二萬餘斛令有女為邪魅投奉治之即召得一白鼃斬
 之女病愈令請納女為奉妻久無兒息乃乞一女養以
 侍妻一日奉身入雲妻女住宅賣杏取給有欺之者虎
 還逐之奉凡在人間三百餘年

閩書

徐登者閩中人也本女子化為丈夫善為巫術又趙炳字
 公阿東陽人能為越方時遭兵亂疾疫大起二人遇于
 烏傷溪水之上遂結言約共以其術療病各相謂曰今
 既同志且可各試所能登乃禁溪水水為不流炳復次
 禁枯樹樹即生莢二人相視而笑共行其道焉登年長

炳師事之貴尚清儉禮神唯以東流水為酌削桑皮為
 脯但行禁架所療皆除後登物故

閩書

梁

王霸自齊時父增渡江入閩善黃老術霸幼習之每登怡
 山經宿乃反年三十遊武夷積十六年始還舊居山南
 鑿井有白龜吐泉鍊藥既成點瓦礫為金是年閩中斗
 米千錢乃鬻金運米食貧者後以餘藥服之旬日如醉
 於所居皂筴樹下蟬蛻而去唐貞元中觀察使即其宅
 建冲虛宮祀之

閩都記

唐 五代

任放天寶中修煉於福州大鵬山後上昇因名昇山有洗

藥池昇仙臺遺址今猶存

萬歷府志

按真誥作任敦晉大康中人未知孰是

黃太和候官人好導引術年三十餘棄家入鼓山大順初

跌坐蹙齧橋黃璞遊山見之問其家世則璞五世祖也

璞悲泣請還家不聽明日率家人往謁不復見

閩書

章壽永福人幼牧羊於鑪峰遇王謝二仙而得道常斬蛇

於延平後峰白日昇天峰旁石壁刻有章仙峰三字

閩書

楊真人閩清人嘗修真於玉臺山後上昇鄉人築臺祀之

人生於武宗會昌元年生平正直不苟待人

真修煉逢異人授以方術至天祐十八年五月

於五周巖昇天至今傳之

福清縣志

光邵武人朱梁時嘗煉丹於石竺山後捨宅為仙井

寺八靈寶觀燒丹成騎白虎白日上昇觀後有伏虎巖

溪中石灘上有丹井遇旱不涸井畔有半瓢迹

福清縣志

慶皇羅源人常鬻黃精於市龍啓聞為道士陳守元所辱

故人木當敏因背之去尋入仙茆山羅喜洞當敏尾之

望見洞中玉堂金闕麗人被珠襦者百數臯至皆却行
前迎建翠於孔蓋當敏大駭頓首謝罪臯日送之有頃
宴客堂上盛設食飲昇當敏以僕妾之餐坐之堂下然
亦非人世所有滋味居十日當敏辭歸臯及賓客送之
至洞門客吹尺八擊玉磬臯和而歌曰朝爲雄兮暮爲
雌天地終盡兮人生幾時歌畢忽然俱去當敏歸城郭
人民盡非昔日蓋洪武之十二年矣

靜志居
詩話

宋

彭邦字季益閩縣人早有文譽得太乙刀圭火符之術隱

居鳳邱山之鶴林與妻潘蕊珠烹鍊九鼎後俱尸解詔

封鶴林真人

閩都
記

張聖永福盤谷農家子採薪鬻鉏柄爲業人稱張鉏柄狀
貌醜陋口能容拳一日入山遇仙人對奕受以苦桃心
知其仙真有所遇忍苦啖且及半舌若螫不可忍棄其
餘歸因絕粒食草木實言人未來事素不知書忽作大
字口占頌偈立成衆又號聖者邑造高蓋石橋富室揮
金相先感曰聖者作大功德何可無頌語聖者笑曰石
橋半出還判石橋全出狀元及蕭國梁大魁乃生於橋

成之日橋方半時實生通判吳時後住安國寺有少婦
隨衆往謁聖者求其履裂其底乃以佛經爲襯紙其神

異類如此白遇異人後絕烟火五十餘年始化去閩書

蔡道者永福人鄉人於水得樟木欲雕長眉老佛適道者

至自言精於雕刻遂攜木登樓去梯寂然無聲鄉人登

樓不見道者惟木像在遂送方廣巖中至今猶存永福縣志

陳通長樂人與弟靈皆有道術能驅雷雨除祟宣和中召

至京符呪輒驗徽宗悅之俱封王爵沒後人多祀之閩書

張與玉福清人號霜崖嘗遇異人私以秘訣煉伏火丹從

黃宗師授雷法得飛神御氣之妙歲旱禱求立應左編

白玉蟾閩清人字白叟原姓葛名長庚七歲能文應童子

科主司試賦織機詩咏曰大地山河作織機百花如錦

柳如絲虛空白處作一疋日月雙梭天外飛後隱武夷

山事陳翠虛學太乙刀圭之妙九鼎金丹之書長生久

視之道紫霄風霆之文飛昇隱顯之術九年得道博洽

儒書爲詩文操筆立就草書若龍蛇飛動尤精篆隸善

畫梅竹而不輕作自寫其容數筆工畫者不能及自讚

云神府雷霆吏瓊山白玉蟾本來眞面目水墨寫霜縑

著者有白真人文集

左編

黃天谷閩清人嘗訪徐葛二仙於度仙橋後卽於此仙去

閩書

張淡三山人初至武夷隱其姓名一日登天柱峰半洞坐

化石上旁有蟾蜍因呼張金蟾其蛻至今猶存

左編

元

義高姓陳長樂人有道術世祖召賜金帛晉王地征命從
行欲試其術時六月令高祈雪高執皂旗麾之須臾六

花飛灑軍中後賜歸端坐而化

正德府志

周願真字養元臨清人至元中徙永嘉遇西蜀異人授以

隱書及壬遁及閉之秘歲旱請禱每出雷電於袖中有

許其空道者捕之願真立橋側捕者不能見自號山雷

子有洞浮老人集

正德府志

項此舟修道於仙亭山能行雷法知人生死有薛姑者請

往其家項曰我衲衣方洗未乾薛請益虔項乃仰天言

曰信我一道日光晒衲衣頃刻日出一衲處其衣果乾

日亦復沒時往來於東山崇真道院臨終雷雨驟至立

化

閩書

陳經韶字尚聲閩縣人年二十餘喪妻遂散家資求學長
 生時至鼓山絕頂默坐竟日久乃能辟穀其父以為
 病狂也拘繫焉數日見其不食乃復舍之鏗韶遂往遊
 大茅武當諸名山途遇鄉人間有識之者輒不與言數
 年復歸以藥囊遺母鄉士大夫或慕之迎致他館亦不
 與言後莫知所之母啓視囊悉乾桑葉也閩書

宋九公栖隱龜溪巖穴中學法間出樂道修氣白日昇天
 後人名其峰曰飛仙巖今巖上足跡靈刀跡猶存閩大記

州府志

卷十一

三

